

寒山詩







# 寒山子詩集序

朝議大夫守寧州諸軍事刺史上柱國賜緋魚袋間丘胤撰

詳夫寒山子者不知何許人也自古老見之皆謂貧人風狂之士隱居天台唐興縣西七十里號爲寒巖每於茲地時還國清寺寺有拾得知食堂尋常收貯餘殘菜滓於竹筒內寒山子若來即負而去或長廊徐行叫喚快活獨言獨笑時僧遂捉罵打趁乃駐立拊掌呵呵大笑良久而去且狀如貧子形貌枯悴一言一話理合其意沈



而思之隱况道情九所啓言洞該玄默乃  
樺皮爲冠布裘破弊木屐履地是故至人  
邈迹同類化物或長廊唱詠唯言咄哉咄  
哉三界輪迴或於村墅與牧牛子而歌笑  
或逆或順自樂其性非哲者安可識之矣  
胤頃受丹丘薄宦臨途之日乃縈頭痛遂  
召曰者醫治轉重乃遇一禪師名豐干言  
從天台山國清寺來特此相訪乃命救疾  
師乃舒容而笑曰身居四大病從幻生若  
欲除之應湏淨水乃持淨水上師師嘆之



須臾祛殄乃謂胤曰台州海島嵐毒到日  
必須保護胤乃問曰未審彼地當有何賢  
堪爲師仰師曰見之不識識之不見若欲  
見之不得取相乃可見之寒山文殊遁迹  
國清拾得普賢狀如貧子又似風狂或去  
或來在國清寺庫院走使厨中着火言訖  
辭去胤乃進途至任台州不忘其事到任  
三日後親往寺院躬問禪宿果合師言乃  
令勘唐興縣有寒山拾得是否時縣申稱  
當縣界西七十里內有一巖巖中古老見



有貧士頻往國清寺止宿寺庫中有一行者名曰拾得胤乃特往禮拜到國清寺乃問寺衆此寺先有豐干禪師院在何處并拾得寒山子見在何處時僧道翹荅曰豐干禪師院在經藏後即今無人住得每有一虎時來此吼寒山拾得二人見在厨中僧引胤至豐干禪師院乃開房唯見虎跡乃問僧寶德道翹禪師在日有何行業僧曰豐干在日唯攻春米共養夜乃唱歌自樂遂至厨中竈前見二人向火大笑胤便



越江後歷

一名摩兒

鎮江城九蓮城鐵湯屯

九十三里

一名廣石山

金石山細川松鶴山

柳里湯站鞍子海流河

燕子巖二渡河村

九十七里

龍山舊州城鳳凰村

劉家屯伯嶺洞磨坊山

鎮東堡一名楊站一名盤龍河

七十里

大獲嶺下獲嶺長山嶺

斗嶺河一名獲北河八渡河

禮拜二人連聲喝胤自相把手呵呵大笑  
叫喚乃云豐干饒舌饒舌彌陀不識禮我  
何為僧徒奔集遽相驚訝何故尊官禮二  
貧士時二人乃把手走出寺乃令逐之急  
走而去即歸寒巖胤乃重問僧曰此二人  
肯止此寺否乃令覓房喚歸寺安置胤乃  
歸郡遂製淨衣二對香藥等特送供養時  
二人更不返寺使乃就巖送上而見寒山  
子乃高聲喝曰賊賊退入巖穴乃云報汝  
諸人各各努力入穴而去其穴自合莫可



王門子 西飛山 通連堡

石堡亭

六十里

補林子 弟兄山 草河洞

分水炭 驢馬場 大黑山

架山 黃桂嶺 連嶺

六十里

將軍廟 壁洞 高嶺

黃鶴嘴 韓家墳 甜水沽

蕪水橋 青岩 滴水寺

三街 狼子山

七十里

狼子峯 頭冠站 柳河

三隱

三

追之其拾得迹沈無所乃令僧道翹尋其  
往日行狀唯於竹木石壁書詩并村野人  
家廳壁上所書文句三百餘首及拾得於  
土地堂壁上書言偈並纂集成卷但胤棲  
心佛理幸逢道人乃為讚曰

菩薩遯迹示同貧士獨居寒山自樂其志  
貌悴形枯布裘弊止出言成章諦實至理  
九人不測謂風狂子時來天台入國清寺  
徐步長廊呵呵拊指或走或立喃喃獨語  
所食厨中殘飯菜滓吟偈悲哀僧俗咄捶



戒庵屯三流河陽河

王祥庵石門峯冷泉場

高唐村石河石河屯

徐家屯入遼陽懷遠館

七十里

遼陽館華表柱關王廟

歷西關韓家墳八里舖

首山舖首山峯駐蹕山

河以舖沙河長站舖

澄清寺宿營

六十里

望海寺八里河八里屯

都不動搖時人自耻作用自在凡愚難值  
即出一言頓祛塵累是故國清圖寫儀軌  
來劫供養長為弟子昔居寒山時來茲地  
稽首文殊寒山之土南無普賢拾得定是  
聊申讚歎願超生死



陽邑 甘泉堡 土河

土河堡 海州衛

五十里

沙河 沙河鋪 石井鋪

小馬頭鋪 乾溝鋪

牛家庄

五十里

新堂鋪 天妃廟 五河

三官廟 西寧堡 沙峯

四十里

高橋鋪 雷家庄 高平

五十里

腰站 烟臺 燕山館

三陽

四



六十里

朝溝鋪 平蜀鋪 火燒橋

制勝堡 東嶺廟 望城關

入廣寧

六十里

布西嶺廟 醫藥園 八面鋪

十里鋪 四塔鋪 壯鎮鋪

沙河 回陽

五十里

新鋪 榆林鋪 大凌河

七十里

紫荆鋪 只金廟 錦橋

小凌河

三十里

# 寒山詩

## 五言

九讀我詩者心中須護淨  
慳貪繼日廉諂曲登時正  
驅遣除惡業歸依受真性  
今日得佛身急急如律令

重巖我卜居鳥道絕人迹  
庭際何所有白雲抱幽石  
任茲九幾年屢見春冬易  
寄語鐘鼎家虛名定無益

可笑寒山道而無車馬蹤  
聯谿難記曲疊嶂不知重  
泣露千般草吟風一樣松  
此時



望海寺  
望海寺  
望海寺

觀音山  
觀音山  
觀音山

三十八里

大紅螺山  
大紅螺山  
大紅螺山

通海河  
通海河  
通海河

通海河  
通海河  
通海河

五十里

西河  
西河  
西河

丹臺  
丹臺  
丹臺

丹臺  
丹臺  
丹臺

黑林山

五十里

迷徑處形問影何從

吾家好隱淪居處絕囂塵踐草成三徑瞻

雲作四鄰助歌聲有鳥問法語無人今日

娑婆樹幾年爲一春

琴書須自隨祿位用何爲投輦從賢婦巾

車有孝兒風吹暴麥地水溢沃魚池常念

鷦鷯鳥安身在一枝

弟兄同五郡父子本三州欲驗飛鳧集須

旌白兔遊靈瓜夢裏受神橘座中收鄉國

何迢遞同魚寄水流



相世沙河不沙河舖

金家山曲尺舖 東四

五十里

六河中途可設墩舖

沙河古海平彩石塔

五十里

急水河中前不舖

金舖望夫堂 八四

五十里

有海亭石河半舖

紅花店海陽城建店

卷里石山寨 步

娘子河湯沙園山

一爲書劍客三遇聖明君東守文不賞西  
征武不勲學文兼學武學武兼學文今日  
既老矣餘生不足云

莊子說送終天地爲棺槨吾歸此有時唯  
須一番箔死將餒青蠅吊不勞白鶴餓著  
首陽山生廉死亦樂

人問寒山道寒山路不通夏天冰未釋日  
出霧朦朧似我何由屈與君心不同君心  
若似我還得到其中

天生百尺樹翦作長條木可惜棟梁材拋



渾河

六十里

榆園 榆園河 小榆園

白石鋪 橫嶺鋪 寧縣

狝山鋪 東營鋪 況澤河

紫金山 凌雲塔 撫寧

四十里

楊沙兔耳山 仙人頂

平山 蔭鋪 腰站

水泉店 北流河 邊家鋪

本家營 若峰口 昌黎縣

葛莊 射虎石 北塘寺

三隱

六

之在幽谷年多心尚勁日久皮漸禿識者

取將來猶堪挂馬屋

驅馬度荒城荒城動客情高低舊雉堞大

小古墳塋自振孤蓬影長凝拱木聲所嗟

皆俗骨仙史更無名

鸚鵡宅西國虞羅捕得歸美人朝夕弄出

入在庭幃賜以金籠貯扁哉損羽衣不如

鴻與鵠颺颺入雲飛

玉堂掛珠簾中有嬋娟子其貌勝神仙容

華若桃李東家春霧合西舍秋風起更過



開元 盧龍 李府

七十里

小潭河 獨石 石梯子

孤竹城 方清里 安河鋪

野鴉坪 沙窩鋪 寧州縣

澤同驛

七十里

柳爺山 小清涼 大清涼

求山 新店 忙牛橋

五里橋 棒子店

五十里

根窩鋪 鐵城 坎石橋

板橋沙 銀城鋪 廣店

三十年還成甘蔗滓

城中蛾眉女 珠珮珂珊珊 鸚鵡花前弄琵琶

月月下彈長歌 三月響短舞 萬人看未必

長如此 芙蓉不耐寒

父母續經多 田園不羨他 婦搖機軋軋兒

弄口過過拍手催 花舞揜頤聽鳥歌 誰當

來嘆賀 樵客累經過

家住綠巖下 庭蕪更不芟 新藤垂繚繞 古

石豎巉岵 山果獼猴摘 池魚白鷺啣 仙書

一兩卷 樹下讀喃喃



皇洞

五十里

還鄉河龍王廟沙河

沙泥河鋪渡橋墨家河

墨家店精家店五堂

佛爺庵五武廟玉田

八十里

皇洞石虎橋李堂

大韓寺常備九鳳山

皇山五武廟梯山

別山別山店范糧收

皇家屯廣寧橋唐驛

四時無止息年去又年來萬物有代謝九  
天無朽摧東明又西暗花落復花開唯有  
黃泉客冥冥去不回

歲去換愁年春來物色鮮山花笑綠水巖  
樹舞青煙蜂蝶自云樂禽魚更可憐朋遊  
情未已徹曉不能眠

手筆太縱橫身才極瓌瑋生為有限身死  
作無名鬼自古如此多君今爭柰何可來  
白雲裏教爾紫芝歌

欲得安身處寒山可長保微風吹幽松近



神仙頂運糧河 瀋陽橋

剡州

八十里

龍石橋 獅掌 崆峒山

十里鋪 紫火山 白銅鋪

公樂店 石碑 兒草河

孤山 三沙

七十里

東門 白厚庵 大新厰

小新店 大泥窩鋪 小北

夏店 免哥山 孤山 柳

馬醫坡 各里 观音寺

楊家莊 英家莊 火燒

聽聲愈好下有斑白人喃喃讀黃老十年  
歸不得忘却來時道

俊傑馬上郎揮鞭指柳楊謂言無死日終  
不作梯航四運花自好一朝成萎黃醍醐  
與石蜜至死不能嘗

有一餐霞子其居諱俗遊論時實蕭爽在  
夏亦如秋幽澗常瀝瀝高松風颼颼其中  
半日坐忘却百年愁

妾在邯鄲住歌聲亦抑揚賴我安居處此  
曲舊來長既醉莫言歸留連日未央兒家



通州

七十里

達北京

有東嶽廟

大明寺在通州門會同館

自產陽至山海關七站

天朝用磚甃故城如制鐵瓦

於人家屋壁階牆亦整齊

可觀我國陶磚用土甚巨得

神甚妙不以不常用也中國

神工之共法多一箇用八四名

作役四日而畢其間刈草或

林梢三百束用水泥泥如和

三隱

寢宿處綉被滿銀床

快榜三翼舟善乘千里馬莫能造我家謂  
言最幽野巖岫深嶂中雲雷竟日下自非  
孔丘公無能相救者

智者君拋我愚者我拋君非愚亦非智從  
此斷相聞入夜歌明月侵晨舞白雲焉能  
住口手端坐鬢紛紛

有鳥五色文棲桐食竹實徐動合禮儀和  
鳴中音律昨來何以至爲吾暫時出儻聞  
絃歌聲作舞欣今日



解體詩之碑板其板一座

隔木為板供車更不

子等和泥甚濕故不煩手

得自純和合每人自尋車

碑四百介夜置待曉乾

入雷燒晝夜共三日則地

大雷得乾一萬介每乾百

百箇羅銀一錢二分一箇

四人役四日得乾萬張買

銀十三兩或室小則人數無

日數差減而得乾有四百

五千介也

茅棟野人居門前車馬踈林幽偏聚鳥谿  
闊本藏魚山果攜兒摘臯田共婦鋤家中  
何所有唯有一床書

登陟寒山道寒山路不窮谿長石磊磊澗  
闊草濛濛苔滑非閑雨松鳴不假風誰能  
超世累共坐白雲中

六極常撓困九維徒自論有才遺草澤無  
藝閑蓬門日上巖猶暗煙消谷尚昏其中  
長者子箇箇揔無禪

白雲高嵯峨綠水蕩潭波此處聞漁父時



五伍長  
五伍長

四團  
四團  
把提

把提  
把提  
二人

射砲  
射砲  
防牌拒木

發千人則別將行五百則把

把百人則哨官

伍長則斬伍團長則斬伍

長五人哨官則斬團長

把提別斬哨官五人別將別

把提二人全軍失利斬別將

以不將官五十三人○凡軍

別將之隊把提哨官令集者  
擇次去無用代充精勇

三隱

九

時鼓棹歌聲聲不可聽令我愁思多誰謂  
雀無角其如穿屋何

杳杳寒山道落落冷澗濱啾啾常有鳥寂  
寂更無人淅淅風吹面紛紛雪積身朝朝  
不見日歲歲不知春

少年何所愁愁見鬢毛白白更何所愁愁  
見日逼迫移向東岱居配守北邙宅何忍  
出此言此言傷老客

聞道愁難遣斯言謂不真昨朝曾趣却今  
日又纏身月盡愁難盡年新愁更新誰知



限事定同勿及通易○  
一色教隔一手則尊置  
一將教色合也手則惠  
置二將擇一用曠可合  
教場之地則設衙門安  
帝時則時官也  
排別將力大排大將也  
合操試其能召主帥  
以時巡視考其勤慢即  
行賞罰○卷之三規則  
新屬女給復十歲成材  
女給三十歲而女則五  
十歲時官則給復一  
把持則二倍別將則每  
品數官給福俸  
字文奉李抱壽已  
行之前規也

席帽下元是昔愁人

兩龜乘犢車驀出路頭戲一蠶從傍來苦  
死欲求寄不載爽人情始載被沉累彈指  
不可論行恩却遭刺

三月蠶猶小女人來采花隈牆弄蝴蝶臨  
水擲蝦蟆羅袖盛梅子金篦挑笋芽聞論  
多物色此地勝余家

東家一老婆富來三五年昔日貧於我今  
笑我無錢渠笑我在後我笑渠在前相笑  
儻不止東邊復西邊



英船極大者安砲

百二十門次一百次

九十次七十四次

十中著安砲

四次三六次二十次

考安砲二十次十次

其船大者三桅長

丈次者二桅長約十

丈船形平五兩般高

二丈尺船腹入水深

丈三丈船腹入水深

丈丈船包以銅片厚

分防壕由船船船

底有三龍骨正中七

三尺許船底厚約七

表裏而層皆謂之夾

三隱

十一

富兒多執掌觸事難祇承倉米已赫赤不  
貸人斗升轉懷鉤距意買綃先揀綾若至  
臨終日吊客有蒼蠅

白鶴銜苦桃千里作一息欲往蓬萊山將  
此充糧食未達毛摧落離羣心慘惻却歸  
舊來巢妻子不相識

慣居幽隱處乍向國清中時訪豐干老仍  
來看拾翁獨迴上寒巖無人話合同尋究  
無源水源窮水不窮

生前太愚癡不爲今日悟今日如許貧總



板釘極三益以釘焉  
七尺許較甚小在中  
龍骨之尾七尺中龍  
骨齊桅三節在根中  
圍約三尺餘約十丈  
船腹約三丈餘五抵  
龍骨在外七丈餘中  
一節圍約尺餘七約二  
丈上一節圍約尺餘  
止丈餘每節相接受  
有木架可坐數人於  
儀器審方位又可搖  
舵學差帆分三幅前  
為三卷舒極速繩  
索亦為蛛網桅面  
有繩梯用以登桅船  
首有桅二二三丈其

是前生做今日又不修來生還如故兩岸  
各無船渺渺難濟渡

琛琛盧家女舊來名莫愁貪乘摘花馬樂  
撈採蓮舟膝坐綠熊席身披青鳳裘哀傷  
百年內不免歸山丘

氏眼鄒公妻邯鄲杜生母二人同老少一  
種好面首昨日會客場惡衣排在後祇為  
著破裙喫他殘麴麴

獨卧重巖下烝雲盡不消室中雖隔愛心  
裏絕喧囂夢去遊金闕魂歸度石橋拋除



勢斜立二施蓬以兜  
風謂之頭吳砲位小  
七層多七面層到  
三層上一層在船面  
下兩層在船旁用砲  
人在船腹其船行  
大降年之畏風浪其  
蓬閣據火乃能入  
面之風惟入水面最  
畏礁石二國或即敗  
矣船料皆番木或黃  
色或黑赤色皆輕  
堅細船之內外時或  
修皆極光澤繩索概  
以油使其柔細隔數

開我者歷歷樹間瓢

夫物有所用用之各有宜用之若失所一  
闕復一虧圓鑿而方枘悲哉空爾爲驂駟  
將捕鼠不及跛猫兒

誰家長不死死死事舊來均始憶八尺漢俄  
成一聚塵黃泉無曉日青草有時春行到  
傷心處松風愁殺人

騶馬珊瑚鞭驅馳洛陽道自矜美少年不  
信有衰老白髮會應生紅顏豈長保但看  
北邙山箇是蓬萊島



日軌重試之

鐵砲鑄精凝內外  
滑澤形粗之短三午  
勅力之終五人許砲  
架不用輪上下兩盤施  
鐵條進退左右拽之以  
繩極其靈便砲彈極  
圓滑之時以油拭之  
防銹也每砲一口兵  
人司之鳥銃皆自來火  
另有利刀七尺以斬  
挿之步腰敵迫不及及  
鎗則套刀於鎗梢  
以當戟刺  
火輪船大如三桅船  
小如兩桅船船之後

竟日常如醉流年不暫停埋著蓬蒿下曉  
月何冥冥骨肉消散盡魂魄幾凋零遮莫  
敲鐵口無因讀老經

一向寒山坐淹留三十年昨來訪親友太  
半入黃泉漸滅如殘燭長流似逝川今朝  
對孤影不覺淚雙懸

相喚採芙蓉可憐清江裏遊戲不覺暮屢  
見狂風起浪捧鴛鴦兒波搖鷗鷺子此時  
居舟楫浩蕩情無已

吾心似秋月碧潭清皎潔無物堪比倫教



半上為水櫃下列火  
門或五或九火門高  
以柴燃燈水櫃之上兩  
銅管粗尺許灣折  
下至船底承以木  
桶高五尺圍七八  
尺木桶之奇又接以複  
鐵管曲折灣環連  
步輪軸管內貯水銀如  
如何運用  
火燃水沸熱氣從銅  
管入桶蓋扇動執  
氣貫入複鐵管宛轉  
達於輪軸以激動之輪  
在船之兩旁為鐵圈三  
層橫施鐵板略如南方

三原  
我如何說

垂柳暗如煙飛花飄似霞夫居離婦州婦  
住思夫縣各在天一涯何時得相見寄語  
明月樓莫貯雙飛鷺

有酒相招飲有肉相呼喫黃泉前後人少  
壯須努力玉帶暫時華金釵非久飾張翁  
與鄭婆一去無消息

可憐好丈夫身體極稜稜春秋未三十才  
藝百般能金羈逐俠客玉饌集良朋唯有  
一般惡不傳無盡燈



羅田之水輪外以木匣  
護之狀如半目船面  
有大鐵筒高二丈餘  
出黑烟以透火氣又  
小鐵筒一高丈餘出  
白蒸以透水氣船將  
行先燃火約三兩時候  
水沸而用船內有銅  
尺二施步而柱推之向  
前別輪奇轉推之  
向後別輪倒轉推之  
依柱別輪多行船之行  
也輪激水如飛瞬息  
不見一晝夜約千餘里  
船面系桅二遇順風  
則旋蓬以助輪風不順

桃花欲經夏風月催不待訪覓漢時人能  
無一箇在朝朝花迂落歲歲人移改今日  
揚塵處昔時爲大海

我見東家女年可十有八西舍競來問願  
姻夫妻估烹羊煮衆命聚頭作媼殺含笑  
樂呵呵啼哭受殃決

田舍多桑園牛犢滿廐轍肯信有因果頑  
皮早晚裂眼看消磨盡當頭各自活紙袴  
瓦作禪到頭凍餓殺

我見百十狗箇箇毛鬚鬚卧者渠自卧行



別專用輪不用蓬  
船面設砲共夾板同  
惟船腹不用砲同耳  
火輪船之製四五十年  
前始創為之先是歐羅巴諸國織  
布多用火輪機能  
推廣其法造火輪  
火輪船近年未利堅  
又推廣其法造火輪  
車之鑄鐵為路車  
其行之可謂精純之  
至矣

者渠自行投之一塊骨相與嗟咷爭良由  
為骨少狗多分不平  
極目兮長望白雲四茫茫鴟鴞飽腹腰鸞  
鳳飢徬徨駿馬放石磧蹇驢能至堂天高  
不可問鷦鷯在滄浪  
洛陽多女兒春日逞華麗共折路邊花各  
持挿高髻髻高花唇匝人見皆睥睨別求  
醪醪憐將歸見夫壻  
春女銜容儀相將南陌陞看花愁日晚隱  
樹怕風吹年少從傍來白馬黃金羈何須



父相弄兒家夫婿知

羣女戲夕陽風來滿路香綴裙金蛺蝶插  
髻玉鴛鴦角婢紅羅縠閨奴紫錦裳爲觀  
失道者鬢白心惶惶

若人逢鬼魅第一莫驚懾捺硬莫采渠呼  
名自當去燒香請佛力禮拜求僧助蚊子  
釘鐵牛無渠下觜處

浩浩黃河水東流長不息悠悠不見清人  
人壽有極苟欲乘白雲曷由生羽翼唯當  
鬢髮時行住須努力



乘茲朽木船采彼紆婆子行至大海中波  
濤復不止唯齋一宿糧去岸三千里煩惱  
從何生愁哉緣苦起

默默永無言後生何所述隱居在林藪智  
境何由出枯槁非堅衛風霜成天疾土牛  
耕石田未有得稻日

山中何太冷自古非今年沓嶂恒凝雪幽  
林每吐煙草生芒種後葉落立秋前此有  
沈迷客窺窺不見天

山客心悄悄常嗟歲序迂辛勤采芝术搜



斥詎成仙庭廓雲初卷林明月正圓不歸  
何所爲桂樹相留連

有人坐山陴雲卷兮霞纓秉芳兮欲寄路  
漫兮難征心惆悵狐疑年老已無成衆喔  
咿斯蹇獨立兮忠貞

猪喫死人肉人喫死猪腸猪不嫌人臭人  
返道猪香猪死拋水內人死掘土藏彼此  
莫相敢蓮花生沸湯

快哉混沌身不飯復不尿遭得誰鑽鑿因  
茲立九竅朝朝爲衣食歲歲愁租調千箇



爭一錢聚頭亡命叫

啼哭緣何事淚如珠子顆應當有別離復  
是遭喪禍所爲在貧窮未能了因果豕問  
瞻死屍六道不干我

婦女慵經織男夫懶耨田輕浮耽挾彈跼  
躡拈抹絃凍骨衣應急充腸食在先今誰  
念於汝苦痛哭蒼天

不行真正道隨邪號行婆口慙神佛少心  
懷嫉妬多背後噉魚肉人前念佛陀如此  
修身處應難避奈河



世有一等愚茫茫恰似驢還解人言語貪  
媼狀若猪險巇難可測實語却成虛誰能  
共伊語令教莫此居

有漢姓傲慢名貪字不廉一身無所解百  
事被他嫌死惡黃連苦生隣白蜜甜喫魚  
猶未止食肉更無厭

縱你居犀角饒君帶虎睛桃枝將碎穢蒜  
殼取爲瓔暖腹茱萸酒空心枸杞羹終歸  
不免死浪自覓長生

卜擇幽居地天台更莫言猿啼谿霧冷嶽



三隱  
色草門連折葉覆松室開池引澗泉已甘  
休萬事採薇度殘年

益者益其精可名爲有益易者易其形是  
名爲有易能益復能易當得上仙籍無益  
復無易終不免死厄

徒勞說三史浪自看五經洎老檢黃籍依  
前注白丁筮遭連蹇卦生主虛危星不及  
河邊樹年年一度青

碧澗泉水清寒山月華白默知神自明觀  
空境逾寂



我今有一襦非羅復非綺借問作何色不  
紅亦不紫夏天將作衫冬天將作被冬夏  
遞互用長年祇這是

白拂栴檀柄馨香竟日聞柔和如卷霧搖  
拽似行雲禮奉宜當暑高提復去塵時時  
方丈內將用指迷人

多少般數人百計求名利心貪覓榮華經  
營圖富貴心未片時歇奔突如煙氣家眷  
實團圓一呼百諾至不過七十年冰銷瓦  
解置死了萬事休誰人承後嗣水浸泥彈



三隱  
廿七  
九方知無意智

貪人好聚財恰如梟愛子子大而食母財  
多還害已散之即福生聚之即禍起無財  
亦無禍鼓翼青雲裏

去家一萬里提劍擊匈奴得利渠即死失  
利汝即殂渠命既不惜汝命有何辜教汝  
百勝術不貪爲上謀

瞋是心中火能燒功德林欲行菩薩道忍  
辱護真心

惡趣甚茫茫冥冥無日光人間八百歲未



抵半宵長此等諸癡子論情甚可傷勸君  
求出離認取法中王

世有多解人愚癡徒苦辛不求當來善唯  
知造惡因五逆十惡輩三毒以爲親一死  
入地獄長如鎮庫銀

天高高不窮地厚厚無極動物在其中憑  
茲造化力爭頭覓飽暖作計相噉食因果  
都未詳盲兒問乳色

天下幾種人論時色數有賈婆如許夫黃  
老元無婦衛氏兒可憐鍾家女極醜渠若



向西行我便東邊走

賢士不貪婪癡人好鑪冶麥地占他家竹  
園皆我者努膊覓錢財切齒驅奴馬須看  
郭門外壘壘松栢下

噴噴買魚肉擔歸餒妻子何須殺他命將  
來活汝已此非天堂緣純是地獄滓徐六  
語破堆始知沒道理

有人把椿樹喚作白栴檀學道多沙數幾  
箇得泥洹棄金却擔草謾他亦自謾似聚  
沙一甌成團也大難



烝砂擬作飯臨渴始掘井用力磨甌甌那  
堪將作鏡佛說元平等摠有真如性但自  
審思量不用閑爭競

推尋世間事子細摠皆知凡事莫容易盡  
愛討便宜護即弊成好毀即是成非故知  
雜濫口背面摠由伊冷暖我自量不信奴  
唇皮

蹭蹬諸貧士飢寒成至極閑居好作詩札  
札用心力賤人言孰采勸君休歎息題安  
餬餅上乞狗也不喫



三隱  
十九  
欲識生死譬且將冰水比水結即成冰冰  
銷返成水已死必應生出生還復死冰水  
不相傷生死還雙美

尋思少年日遊獵向平陵國使職非願神  
仙未足稱騶駟騎白馬喝兔放蒼鷹不覺  
大流落皤皤誰見矜

偃息深林下從生是農夫立身既質直出  
語無諂諛保我不鑒璧信君方得珠焉能  
同汎濫極目波上鳧

富兒會高堂華燈何煒煌此時無燭者心



願處其傍不意遭排遣還歸暗處藏益人  
明詎損頓訝惜餘光

世有聰明士勤苦探幽文三端自孤立六  
藝越諸君神氣卓然異精彩超衆羣不識  
箇中意逐境亂紛紛

層層山水秀煙霞鎖翠微嵐拂紗巾濕露  
霑蓑草衣足躡遊方履手執古藤枝更觀  
塵世外夢境復何爲

滿卷才子詩溢壺聖人酒行愛觀牛犢坐  
不離左右霜露入茅檐月華明瓮牖比時



吸兩甌吟詩三兩首

施家有两兄以藝干齊楚文武各自備託  
身爲得所孟公問其術我子親教汝秦衛  
兩不成失時成齟齬

止宿鴛鴦鳥一雄兼一雌銜花相共食刷  
羽每相隨戲入煙霄裏宿歸沙岸湄自憐  
生趣樂不奪鳳凰池

或有銜行人才藝過周孔見罷頭兀兀看  
時身侗侗繩牽未肯行錐刺猶不動恰似  
羊公鶴可憐生艷艷



少小帶經鋤本將兄共居緣遭他輩責剩  
被自妻踈拋絕紅塵境常遊好閱書誰能  
借斗水活取轍中魚

變化計無窮生死竟不止三途鳥雀身五  
嶽龍魚已世濁作親孺時清爲駉駉前迴  
是富兒今度成貧士

書判全非弱嫌身不得官銓曹被拗折洗  
垢覓瘡癥必也關天命今年更試看盲兒  
射雀目偶中亦非難

貧驢欠一尺富狗剩三寸若分貧不平中



半富與困始取驢飽足却令狗飢頓爲汝  
熟思量令我也愁悶

柳郎八十二藍嫂一十八夫妻共百年相  
憐情狡猾弄璋字烏髀擲瓦名娼嬬屢見  
枯楊萸常遭青女殺

大有飢寒客生將獸魚殊長存廟石下時  
哭路邊隅屢日空思飯終冬不識襦唯齎  
一束草并帶五升麴

赫赫誰甌肆其酒甚濃厚可憐高幡幟極  
目平升斗何意訝不售其家多猛狗童子



欲來沽狗齧便是走

吁嗟濁濫魃羅刹共賢人謂是等流類焉  
知道不親狐假師子勢詐妄却稱珍鉞礦  
入鑪冶方知金不真

田家避暑月斗酒共誰歡雜雜排山果疎  
疎圍酒樽蘆簪將代席蕉葉且充盤醉後  
揩頤坐須彌小彈丸

箇是何措大時來省南院年可三十餘曾  
經四五選囊裏無青蚨篋中有黃卷行到  
食店前不敢暫迴面



爲人常喫用愛意湏慳惜老去不自由漸  
被他排斥送向荒山頭一生願虛擲亡羊  
罷補牢失意終無極

浪造凌霄閣虛登百尺樓養生仍天命誘  
讀詎封侯不用從黃口何湏獸白頭未能  
端似箭且莫曲如鉤

富貴疎親聚祇爲多錢米貧賤骨肉離非  
閑少兄弟急湏歸去來招賢閣未啓浪行  
朱雀街踏破皮鞋底

我見一癡漢仍居三兩婦養得八九兒揔



是隨宜手丁力是新差資財非舊有黃蘗  
作驢糞始知苦在後

新穀尚未熟舊穀今已無就貸一斗許門  
外立踟躕夫出教問婦婦出遣問夫慳惜  
不救乏財多爲累愚

大有好笑事畧陳三五箇張公富奢華孟  
子貧輶軻祇取侏儒飽不憐方朔餓巴歌  
唱者多白雪無人和

老翁娶少婦髮白婦不耐老婆嫁少夫面  
黃夫不愛老翁娶老婆一一無棄背少婦



三  
嫁少夫兩兩相憐態

雍容羨少年博覽諸經史盡號曰先生皆  
稱爲學士未嘗得官職不解秉耒耜冬披  
破布衫蓋是書誤已

鳥語情不堪其時卧草庵櫻桃紅爍爍楊  
柳正毵毵旭日銜青嶂晴雲洗綠潭誰知  
出塵俗馭上寒山南

昨日何悠悠場中可憐許上爲桃李徑下  
作蘭蓀渚復有綺羅人舍中翠毛羽相逢  
欲相喚脉脉不能語



丈夫莫守困無錢湏經紀養得一牯牛生  
得五犢子犢子又生兒積數無窮已寄語  
陶朱公富與君相似

之子何惶惶卜居湏自審南方瘴癘多北  
地風霜甚荒陬不可居毒川難可飲魂兮  
歸去來食我家園甚

昨夜夢還家見婦機中織駐梭如有思擎  
梭似無力呼之迴面視况復不相識應是  
別多年鬢毛非舊色

人生不滿百常懷千載憂自身病始可又



爲子孫愁下視禾根下上看桑樹頭秤銀  
落東海到底始知休

世有一等流悠悠似木頭出語無知解云  
我百不憂問道道不會問佛佛不求子細  
推尋著茫然一場愁

董郎年少時出入帝京裏衫作嫩鵝黃容  
儀盡相似常騎踏雪馬拂拂紅塵起觀者  
滿路傍箇是誰家子

箇是誰家子爲人大被憎癡心常憤憤肉  
眼醉夢夢見佛不禮佛逢僧不施僧唯知



打大醫除此百無能

人以身爲本本以心爲柄本在心莫邪心  
邪喪本命未能免此殃何言懶照鏡不念  
金剛經却令菩薩病

城北仲家翁渠家多酒肉仲翁婦死時吊  
客滿堂屋仲翁自身亡能無一人哭喫他  
盃齋者何太冷心腹

下愚讀我詩不解却嗤誚中庸讀我詩思  
量云甚要上賢讀我詩把著滿面笑楊脩  
見幼婦一覽便知妙



三  
自有慳惜人我非慳惜輩衣單爲舞穿酒  
盡緣歌啐當取一腹飽莫令兩脚僂蓬蒿  
鑽髑髏此曰君應悔

我行經古墳淚盡嗟存沒冢破墜黃腸棺  
穿露白骨欹斜有瓮餅振撥無簪笏風至  
攪其中灰塵亂埽埽

夕陽下西山草木光曄曄復有朦朧麴松  
蘿相連接此中多伏虎見我奮迅鬚手中  
無寸刃爭不懼懾懾

出身旣擾擾世事非一狀未能捨流俗所



以相追訪昨吊徐五死今送劉三葬日日  
不得閑爲此心悽愴

有樂且湏樂時哉不可失雖云一百年豈  
滿三萬日寄世是湏臾論錢莫啾唧孝經  
末後章委曲陳情畢

獨坐常忽忽情懷何悠悠山腰雲漫漫谷  
口風颼颼猿來樹嫋嫋鳥入林啾啾時催  
鬢颼颼歲盡老惆惆

一人好頭肚六藝盡皆通南見驅歸北西  
逢赴向東長漂如汎萍不息似飛蓬問是



何等色姓貧名曰窮

他賢君即受不賢君莫與君賢他見容不  
賢他亦拒嘉善矜不能仁徒方得所勸逐  
子張言拋却卜商語

俗薄真成薄人心箇不同殷翁笑柳老柳  
老笑殷翁何故兩相笑俱行諛諛中裝車  
競嶄嶄翻載各瀧凍

是我有錢日怕爲汝貸將汝今旣飽暖見  
我不分張須憶汝欲得似我今承望有無  
更代事勸汝熟思量



人生一百年佛說十二部慈悲如野鹿瞋  
忿似家狗家狗趁不去野鹿常好走欲伏  
獼猴心須聽獅子吼

教汝數般事思量知我賢極貧忍賣屋纔  
富須買田空腹不得走枕頭須莫眠此言  
期衆見掛在日東邊

寒山多幽竒登者皆怕懾月照水澄澄風  
吹草獵獵凋梅雪作花杌木雲充葉觸雨  
轉鮮靈非晴不可涉

有樹先林生計年逾一倍根遭陵谷變葉



被風霜改成笑外凋零不憐內紋絲皮膚  
脫落盡唯有貞實在

寒山有髣蟲身白而頭黑手把兩卷書一  
道將一德住不安金竈行不齋衣裊常持  
智慧劍擬破煩惱賊

有人畏白首不肯捨朱紱采藥空求仙根  
苗亂桃掘數年無効驗癡意瞋怫鬱獵師  
被袈裟元非汝使物

昔時可可貧今朝最貧凍作事不諧和觸  
途成倥傯行泥屢脚屈坐社頻腹痛失却



斑猫兒老鼠圍飯甕

我見世間人堂堂好儀相不報父母恩方  
寸底模樣欠負他人錢蹄穿始惆悵箇箇  
惜妻兒爺娘不供養兄弟似冤家心中常  
悵悵憶昔少年時求神願成長今爲不孝  
子世間多此樣買肉自家噉抹嘴道我暢  
自逞說嘍囉聰明無益當牛頭努目嗔出  
去始時擲擇佛燒好香揀僧歸供養羅漢  
門前乞趂却閑和尚不悟無爲人從來無  
相狀封疏請名僧賺錢兩三樣雲光好法



師安角在頭上汝無平等心聖賢俱不降  
九聖皆混然勸君休取相我法妙難思天  
龍盡迴向

身著空花衣足躡龜毛履手把兔角弓擬  
射無明鬼

可貴天然物獨一無伴侶覓他不可見出  
入無門戶促之在方寸延之一切處你若  
不信受相逢不相遇

余家有一窟窟中無一物清潔空堂堂光  
華明日日蔬食養微軀布裘遮幻質任你



千聖現我有天真佛

男兒大丈夫作事莫莽鹵勁挺鐵石心直  
取菩提路邪路不用行行之枉辛若不要  
求佛果識取心王主

粵自居寒山曾經幾萬載任運遯林泉棲  
遲觀自在寒巖人不到白雲常爇麝細草  
作卧褥青天爲被蓋快活枕石頭天地任  
變改

可重是寒山白雲常自閑猿啼暢道內虎  
嘯出人間獨步石可履孤吟藤好攀松風



清颯颯鳥語聲喧喧

閑自訪高僧煙山萬萬層師親指歸路月  
掛一輪燈

閑遊華頂上日朗晝光輝四顧晴空裏白  
雲同鶴飛

世有多事人廣學諸知見不識本真性與  
道轉懸遠若能明實相豈用陳虛願一念  
了自心開佛之知見

寒山有一宅宅中無闌隔六門左右通堂  
中見天碧房房虛索索東壁打西壁其中



一物無免被人來借寒到燒軟火飢來煮  
菜喫不學田舍翁廣置牛莊宅盡作地獄  
業一入何曾極好好善思量思量知執則  
儂家暫下山入到城隍裏逢見一羣女端  
正容貌美頭戴蜀樣花臉脂塗粉膩金釧  
鏤銀朶羅衣緋紅紫朱顏類神仙香帶氛  
氲氣時人皆顧盼癡愛染心意謂言世無  
雙魂影隨他去徇咬枯骨頭虛自舐唇齒  
不解返思量與畜何曾異今成白髮婆老  
陋若精魅無始由徇心不超解脫地



一自遯寒山養命餐山果平生何所憂此  
世隨緣過日月如逝川光陰石中火任你  
天地移我暢巖中坐  
我見世間人茫茫走路塵不知此中事將  
何爲去津榮華能幾日眷屬片時親縱有  
千斤金不如林下貧

自聞梁朝日四依諸賢士寶誌萬廻師四  
仙傳大士顯揚一代教作持如來使建造  
僧伽藍信心歸佛理雖乃得如斯有爲多  
患累與道殊懸遠拆西補東爾不達無爲



功損多益少矣有聲而無形至今何處是  
吁嗟貧復病爲人絕友親甕裏長無飯甌  
中屢生塵蓬菴不免兩漏榻劣容身莫怪  
今顛顚多愁定損人

養女畏太多已生湏訓誘捺頭遣小心鞭  
背令緘口未解棄機杼那堪事箕帚張婆  
語驢駒汝大不如母

秉志不可卷湏知我匪席浪造山林中獨  
卧盤陀石癖士來勸余速令受金壁鑿墻  
植蓬蒿若此非有益



以我棲遲處幽深難可論無風蘿自動不  
霧竹長昏澗水綠誰咽山雲忽自屯午時  
庵內坐始覺日頭暎

憶昔過逢處人間逐勝遊樂山登萬仞愛  
水泛千舟送客琵琶谷攜琴鸚鵡洲焉知  
松樹下抱膝冷颼颼

報汝修道者進求虛勞神人有精靈物無  
字復無文呼時歷歷應隱處不居存叮嚀  
善保護勿令有點痕

去年春鳥鳴此時思弟兄今年秋菊爛此



時思發生綠水千場咽黃雲四面平哀哉  
百年內腸斷憶咸京

多少天台人不識寒山子莫知真意度喚  
作閑言語

可惜百年屋左倒右復傾牆壁分散盡木  
植亂差橫甃瓦片片落朽爛不堪停狂風  
吹驀塌再豎卒難成

精神殊爽爽形貌極堂堂能射穿七札讀  
書覽五行經眠虎頭枕昔坐象牙床著無  
阿堵物不啻冷如霜



笑我田舍兒頭顙底繫涎巾子未曾高腰  
帶長時急非是不及時無錢趁不及一日  
有錢財浮圖頂上立

買肉血滯滯買魚跳鱖鱖君身招罪累妻  
子成快活終死渠便嫁他人誰敢過一朝  
如破床兩箇當頭脫

客難寒山子君詩無道理吾觀乎古人貧  
賤不爲耻應之笑此言談何踈闊矣願君  
似今日錢是急事爾

從生不往來至死無仁義言既有枝葉心



懷便險詖若其開小道緣此生大僞詐說  
造雲梯削之成棘刺

一餅鑄金成一餅埏泥出二餅任君看那  
箇餅牢實欲知餅有二須知業非一將此  
驗生因修得在今日

摧殘荒草廬其中煙火蔚借問羣小兒生  
來凡幾日門外有三車迎之不肯出飽食  
腹膨脝箇是癡頑物

有身與無身是我復非我如此審思量遷  
延倚巖坐足間青草生頂上紅塵墮已見



俗中人靈林施酒果

昨見河邊樹摧殘不可論  
二三餘幹在千萬斧刀痕  
霜凋萎踈葉波衝枯朽根  
生處當如此何用怨乾坤

憐底衆生病餐嘗略不厭  
烝豚搯蒜醬炙鴨點椒鹽  
去骨鮮魚膾兼皮熟肉臉  
不知他命苦祇取自家甜

讀書豈免死讀書豈免貧  
何以好識字識字勝他人  
丈夫不識字無處可安身  
黃連搯蒜醬忘計是苦辛



我見謾人漢如籃盛水走一氣將歸家籃裏何曾有我見被人謾一似園中韭日日被刀傷天生還自有

不見朝垂露日爍自消除人身亦如此閻浮是寄居切莫因循過且令三毒祛菩提即煩惱盡令無有餘

水清澄澄瑩徹底自然見心中無一事萬境不能轉心既不妄起永劫無改變若能如是知是知無背面

說食終不飽說衣不免寒飽喫須是飯著



衣方免寒不解審思量祇道求佛難迴心  
即是佛莫向外頭看

可畏輪迴苦往復似翻塵蟻巡環未息六  
道亂紛紛改頭換面孔不離舊時人速了  
黑暗獄無令心性昏

可畏三界輪念念未曾息纔始似出頭又  
却遭沉溺假使非非想蓋緣多福力爭似  
識真源一得即求得

昨日遊峯頂下窺千尺崖臨危一株樹風  
擺兩枝開兩漂即零落日曬作塵埃嗟見



此茂秀今爲一聚灰

自古多少聖叮嚀教自信人根性不等高  
下有利鈍真佛不肯認置力柱受困不知  
清淨心便是法王印

我聞天台山山中有琪樹永言欲攀之莫  
曉石橋路緣此生悲嘆幸居將已暮今日  
觀鏡中颯颯鬢垂素

養子不經師不及都亭鼠何曾見好人豈  
聞長者語爲染在薰猶應湏擇朋侶五月  
販鮮魚莫教人笑汝



三隱  
三十五  
徒閉蓬門坐頻經石火遷唯聞人作鬼不  
見鶴成仙念此那堪說隨緣湏自憐迴瞻  
郊郭外古墓犁爲田

時人見寒山各謂是風顛貌不起人目身  
唯布裘纏我語他不曾他語我不言爲報  
往來者可來向寒山

自在白雲閒從來非買山下危湏策杖上  
險捉藤攀澗底松常翠谿邊石自斑友朋  
雖阻絕春至鳥喧喧

我在村中住衆推無比方昨日到城下仍



被狗形相或嫌袴太窄或說衫少長撐却  
鷄子眼雀兒舞堂堂

死生元有命富貴本由天此是古人語吾  
今非謬傳聰明好短命癡騃却長年鈍物  
豐財寶惺惺漢無錢

國以人爲本猶如樹因地地厚樹扶疎地  
薄樹樵悴不得露其根枝枯子先墜決陂  
以取魚是求一朝利

衆生不可說何意許顛邪面上兩惡鳥心  
中三毒虵是渠作障礙使你事煩拏舉手



高彈指南無佛陀耶

自樂平生道煙蘿石洞間野情多放曠長  
伴白雲閑有路不通世無心孰可攀石牀  
孤夜坐圓月上寒山

大海水無邊魚龍萬萬千遞互相食瞰冗  
冗癡肉團爲心不了絕妄想起如煙性月  
澄澄朗廓爾照無邊

目見天台頂孤高出衆群風搖松竹韻月  
見海潮頻下望山青際談玄有白雲野情  
便山水本志慕道倫



三五癡後生作事不真實未讀十卷書強  
把雌黃筆將他儒行篇喚作賊盜律脫體  
似蟬蟲咬破他書帙

心高如山嶽入我不伏人解講韋陀典能  
談三教文心中無慚愧破戒違律文自言  
上人法稱爲第一人愚者皆讚歎智者拊  
掌笑陽燄虛空花豈得免生老不如百不  
解靜坐絕憂惱

如許多寶貝海中乘壞舸前頭失却桅後  
頭又無柁宛轉任風吹高低隨浪簸如何



得到岸努力莫端坐

我見凡愚人多畜資財穀飲酒食生命謂  
言我富足莫知地獄深唯求上天福罪業  
如毗富豈得免災毒財主忽然死爭共當  
頭哭供僧讀文疏空是鬼神祿福田一箇  
無虛設一群禿不如早覺悟莫作黑暗獄  
狂風不動樹心真無罪福寄語冗冗人叮  
嚀再三讀

勸你三界子莫作勿道理理短被他欺理  
長不柰你世間濁濫人恰似鼠黏子不見



無事人獨脫無能比早須返本源三界任  
緣起清淨入如流莫飲無明水

三界人蠢蠢六道人茫茫貪財愛娼欲心  
惡若豺狼地獄箭射極苦若爲當兀兀過  
朝夕都不別賢良好惡總不識猶如猪及  
羊共語如木石嫉妬似顛狂不自見已過  
如猪在圈卧不知自償債却笑牛羊磨  
人生在塵蒙却似盆中蟲終日行遶遶不  
離其盆中神仙不可得煩惱計無窮歲月  
如流水須臾作老翁



寒山出此語復似顛狂漢有事對面說所以足人怨心真出語直直心無背面臨死度柰何誰是嘍囉漢冥冥泉臺路被業相拘絆

我見多知漢終日用心神岐路逞嘍囉欺謾一切人唯作地獄滓不修正直因忽然無常至定知亂紛紛

寄語諸仁者復以何爲懷達道見自性自性即如來天真元具足修證轉差迴棄本却逐未祇守一場歎



世有一般人不惡又不善不識主人公隨  
客處轉因循過時光渾是癡肉齷雖有  
一靈臺如同客作漢

常聞釋迦佛先受燃燈記燃燈與釋迦祇  
論前後智前後體非殊異中無有異一佛  
一切佛心是如來地  
常聞國大臣朱紫簪纓祿富貴百千般貪  
榮不知辱奴馬蒲宅舍金銀盈帑屋癡福  
暫時扶埋頭作地獄忽死萬事休男女當  
頭哭不知有禍殃前路何疾速家破冷颼



飢食無一粒粟凍餓苦悽悽良由不覺觸  
上人心猛利一聞便知妙中流心清淨審  
思云甚要下士鈍暗癡頑皮最難裂直得  
血淋頭始知自摧滅看取開眼賊鬧市集  
人決死屍棄如塵此時向誰說男兒大丈  
夫一刀兩段截人面禽獸心造作何時歇  
我有六兄弟就中一箇惡打伊又不得罵  
伊又不著處處無奈何耽財好媯殺見好  
埋頭愛貪心過羅刹阿爺惡見伊阿娘嫌  
不悅昨被我捉得惡罵恣情掣趨向無人



處一一向伊說汝今須改行覆車須改轍  
若也不信受共汝惡合殺汝受我調伏我  
共汝覓活從此盡和同如今遇菩薩學業  
攻鑪冶鍊盡三山鐵至今靜恬恬衆人皆  
讚說

昔日極貧苦夜夜數他寶今日審思量自  
家須營造掘得一寶藏純是水晶珠大有  
碧眼胡密擬買將去余即報渠言此珠無  
價數

一生慵懶作憎重祇便輕他家學事業余



持一卷經無心裝標軸來去省人擎應病  
則說藥方便度衆生但自心無事何處不  
惺惺

我見出家人不入出家學欲知真出家心  
淨無繩索澄澄絕玄妙如如無倚託三界  
任縱橫四生不可泊無爲無事人逍遙實  
快樂

昨到雲霞觀忽見仙尊士皇冠月帔橫盡  
云居山水余問神仙術云道若爲比謂言  
靈無上妙藥必神秘守死待鶴來皆道乘



魚去余乃返窮之推尋勿道理但看箭射  
空湏臾還墜地饒你得仙人恰似守屍鬼  
心月自精明萬像何能比欲知仙丹術身  
內元神是莫學黃巾公握愚自守擬

余鄉有一宅其宅無正主地生一寸草水  
垂一滴露火燒六箇賊風吹黑雲雨子細  
尋本人布裹真珠爾

傳語諸公子聽說石齊奴僮僕八百人水  
碓三十區舍下養魚鳥樓上吹笙竽伸頭  
臨白刃癡心爲綠珠



三隱  
四十一  
何以長惆悵人生似朝菌那堪數十年新  
舊凋落盡以此思自哀哀情不可忍奈何  
當奈何脫體歸山隱

縑縷閤前業莫訶今日身若言由冢墓箇  
是極癡人到頭君作鬼豈令男女貧皎然  
易解事作麼無精神

我見黃河水凡經幾度清水流如急箭人  
世若浮萍癡屬根本業無明煩惱坑輪迴  
幾許劫祇爲造迷盲

二儀既開闢人乃居其中迷汝即吐霧醒



汝即吹風借汝即富貴奪汝即貧窮碌碌  
群漢子萬事由天公

余勸諸稚子急離火宅中三車在門外載  
你免飄蓬露地四衢坐當天萬事空十方  
無上下來去任西東若得箇中意蹤橫颺  
颺通

可歎浮生人悠悠何日了朝朝無閑時年  
年不覺老揔爲求衣食令心生煩惱擾擾  
百千年去來三惡道

時人尋雲路雲路杳無蹤山高多險峻澗



三  
閣少玲瓏碧嶂前兼後白雲西復東欲知  
雲路麴雲路在虛空

寒山棲隱麴絕得雜人過時逢林內鳥相  
共唱山歌瑞草聯谿谷老松枕差莪可觀  
無事客憇歇在巖阿

五嶽俱成粉湏彌一寸山大海一滴水吸  
入其心田生長菩提子徧蓋天中天語汝  
慕道者慎莫繞十纏

無衣自訪覓莫共狐謀裘無食自來取莫  
共羊謀羞借皮兼借肉懷歎復懷愁皆緣



義失所衣食常不周

自羨山間樂逍遙無倚托逐日養殘軀閑  
思無所作時披古佛書往往登石閣下窺  
千尺崖上有雲旁礪寒月冷颼颼身似孤  
飛鶴

我見轉輪王千子常圍遶十善化四天莊  
嚴多七寶七寶鎮隨身莊嚴甚妙好一朝  
福報盡猶若棲蘆鳥還作牛領蟲六趣受  
業道况復諸凡夫無常豈長保生死如旋  
火輪廻似麻稻不解早覺悟爲人枉虛老



平野水寬闊丹丘連四明仙都最高秀羣  
峯聳翠屏遠遠望何極矼矼勢相迎獨標  
海隅外處處播嘉名

可貴一名山七寶何能比松月颼颼冷雲  
霞片片起蒼市幾重山迴還多少里谿澗  
靜澄澄快活無窮已

我見世間人生而還復死昨朝猶二八壯  
氣曾襟士如今七十過力困形憔悴恰似  
春日花朝開夜落爾

迥聳霄漢外雲裏路峒嶢瀑布千文流如



鋪練一條下有棲心窟橫安定命橋雄雄  
鎮世界天台名獨超

盤陀石上坐谿澗冷淒淒靜玩偏嘉麗虛  
巖蒙霧迷怡然憇歇處日斜樹影低我自  
觀心地蓮花出淤泥

隱士遁人間多向山中眠青蘿踈麓麓碧  
澗響聯聯騰騰且安樂悠悠自清閑免有  
染世事心靜如白蓮

寄語食肉漢食時無逗遛今生過去種未  
來今日修祇取今日美不畏來生憂老鼠



入飯瓮雖飽難出頭

自從出家後漸得養生趣伸縮四肢全勤  
聽六根具褐衣隨春冬糲食供朝暮今日  
懇懇修願與佛相遇

世事繞悠悠貪生未肯休研盡大地石何  
時得歇頭四時周變易八節急如流爲報  
火宅主露地騎白牛

可笑五陰窟四蛇同共居黑暗無明燭三  
毒遞相驅伴黨六箇賊劫掠法財珠斬却  
魔軍輩安泰湛如蘇



常聞漢武帝爰及秦始皇俱好神仙術延年竟不長金臺旣摧折沙丘遂滅亡茂陵與驪嶽今日草茫茫

憶得二十年徐步國清歸國清寺中人盡道寒山癡癡人何用疑疑不解尋思我尚自不識是伊爭得知低頭不用問問得復何爲有人來罵我分明了了知雖然不應對却是得便宜

語你出家輩何名爲出家奢華求養活繼綴族姓家美舌甜唇蒲諂曲心鉤加終日



禮道場持經置功課鑪燒神佛香打鐘高  
聲和六時學客春晝夜不得卧祇爲愛錢  
財心中不脫灑見他高道人却嫌誹謗罵  
驢屎比麝香苦哉佛陀耶

又見出家兒有力及無力上上高節者鬼  
神欽道德君王分輦坐諸侯拜迎逆堪爲  
世福田世人須保惜下下低愚者詐見多  
求覓濁濫即可知愚癡愛財色著却福田  
衣種田討衣食作債稅牛犁爲事不忠直  
朝朝行弊惡往往痛腎脊不解善思量地



獄苦無極一朝著病纏三年卧床蓆亦有  
眞佛性翻作無明賊南無佛陀耶遠遠求  
彌勒

寒巖深更好無人行此道白雲高岫閑青  
嶂孤猿嘯我更何所親暢志自宜老形容  
寒暑遷心珠甚可保

巖前獨靜坐圓月當天耀萬象影現中一  
輪本無照廓然神自清含虛洞玄妙因指  
見其月月是心樞要

本志慕道倫道倫常獲親時逢社源客每



接話禪賓談玄明月夜探理日臨晨萬機  
俱泯迹方識本來人

元非隱逸士自號山林人仕魯蒙幘帛且  
愛裹練巾道有巢許操恥爲堯舜臣獼猴  
罩帽子學人避風塵

自古諸哲人不見有長存生而還復死盡  
變作灰塵積骨如毗富別淚成海津唯有  
空名在豈免生死輪

今白巖前坐坐久煙雲收一道清谿冷千  
尋碧嶂頭白雲朝影靜明月夜光浮身上



無塵垢心中那更憂

千雲萬水間中有一閑士  
白日遊青山夜歸巖下  
睡倏爾過春秋寂然無塵累快哉  
何所依靜若秋江水

勸你休去來莫惱他  
闍老失脚入三途粉  
骨遭千擣長爲地獄人  
永隔今生道勉你  
信余言識取衣中寶

世間一等流誠堪兩人笑  
出家弊己身誰  
俗將爲道雖著離塵衣  
衣中多養蚤不如  
歸去來識取心王好



接話禪賓談玄明月夜探理日臨晨萬機  
俱泯迹方識本來人

元非隱逸士自號山林人仕魯蒙幘帛且  
愛裹練巾道有巢許操恥爲堯舜臣獼猴  
罩帽子學人避風塵

自古諸哲人不見有長存生而還復死盡  
變作灰塵積骨如毗富別淚成海津唯有  
空名在豈免生死輪

今白巖前坐坐久煙雲收一道清谿冷千  
尋碧嶂頭白雲朝影靜明月夜光浮身上



無塵垢心中那更憂

千雲萬水間中有一閑士白日遊青山夜  
歸巖下睡倏爾過春秋寂然無塵累快哉  
何所依靜若秋江水

勸你休去來莫惱他闍老失脚入三途粉  
骨遭千擣長爲地獄人永隔今生道勉你  
信余言識取衣中寶

世間一等流誠堪兩人笑出家弊己身誰  
俗將爲道雖著離塵衣衣中多養蚤不如  
歸去來識取心王好



三  
四十七  
高高峯頂上四顧極無邊獨坐無人知孤  
月照寒泉泉中且無月月自在青天吟此  
一曲歌歌中不是禪

有箇王秀才笑我詩多失云不識蜂腰仍  
不會鶴膝平側不解墜凡言取次出我笑  
你作詩如盲徒詠日

我住在村鄉無爺亦無娘無名無姓第人  
喚作張王並無人教我貧賤也尋常自憐  
心的實堅固等金剛  
寒山出此語此語無人信蜜甜足人嘗黃



蘄苦難近順情生喜悅逆意多瞋恨但看  
木偶偶弄了一場困

我見人轉經依他言語會口轉心不轉心  
口相違背心真無委曲不作諸纏蓋但且  
自省躬莫覓他替代可中作得主是知無  
內外

寒山唯白雲寂寂絕挨塵草座山家有孤  
燈明月輪石牀臨碧沼虎鹿每爲鄰自羨  
幽居樂長爲象外人

鹿生深林中飲水而食草伸脚樹下眠可



憐無煩惱繫之在華堂  
銷鐺極肥好終日  
不肯嘗形容轉枯槁

花上黃鸝子  
啾啾聲可憐  
美人顏似玉  
對此弄鳴絃  
玩之能不足  
眷戀在韶年  
花飛鳥亦散  
灑淚秋風前

棲遲寒巖下  
偏訝最幽奇  
攜籃采山茹  
挈籠摘果歸  
蔬齋敷茅坐  
啜啄食紫芝  
清沼濯瓢鉢  
雜和煮稠稀  
當陽擁裘坐  
閑讀古人詩

昔日經行處  
今復七十年  
故人無來往  
埋



在古冢間余今頭已白猶守片雲山爲報  
後來子何不讀古言

欲向東巖去于今無量年昨來攀葛上半  
路困風煙徑窄衣難進苔黏履不前住茲  
丹桂下且枕白雲眠

我見利智人觀者便知意不假尋文字直  
入如來地心不逐諸緣意根不妄起心意  
不生時內外無餘事

我今稽首禮無上法中王慈悲大喜捨名  
稱滿十方衆生作依怙智慧身金剛頂禮



無所著我師大法王

君看葉裏花能得幾時好今日畏人攀明  
朝待誰掃可憐嬌豔情年多轉成老將世  
比於花紅顏豈長保

畫棟非吾宅青林是我家一生俄爾過萬  
事莫言賒濟渡不造後漂淪爲采花善根  
今未種何日見生芽

出生三十年嘗遊千萬里行江青草合入  
塞紅塵起鍊藥空求仙讀書兼詠史今日  
歸寒山枕流兼洗耳



寒山無漏巖其巖甚濟要八風吹不動萬  
古人傳妙寂寂好安居空空離譏誚孤月  
夜長明圓日常來照虎丘兼虎谿不用相  
呼召世間有王傳莫把同周召我自邀寒  
岩快活長歌笑

沙門不持戒道士不服藥自古多少賢盡  
在青山脚

有人笑我詩我詩合典雅不煩鄭氏箋豈  
用毛公解不恨會人稀祇爲知音寡若遣  
趨宮商余病莫能罷忽遇明眼人即自疏



天下

五言五百篇七字七十九三字二十一都  
來六百首一例書岩石自誇云好手若能  
會我詩真是如來母

七字

余曾昔覩聰明士博達英靈無比倫一選  
嘉名喧宇宙五言詩句越諸人爲官治化  
超先輩直爲無能繼後塵忽然富貴貪財  
色瓦解冰銷不可陳

貪愛有人求快活不知禍在百年身但看



陽燄浮漚水便覺無常敗壞人丈夫志氣  
直如鐵無曲心中道自真行密節高霜下  
竹方知不枉用心神

汝謂埋頭癡兀兀愛向無明羅刹窟再三  
勸你早修行是你頑癡心恍惚不肯信受  
寒山語轉轉倍加業汨汨直待斬首作兩  
段方知自身奴賊物

雲山疊疊連天碧路僻林深無客遊遠望  
孤蟾明皎皎近聞羣鳥語啾啾老夫獨坐  
棲青嶂少室閑居任白頭可歎往年與今



三  
日無心還似水東流

一住寒山萬事休更無雜念掛心頭閑於  
石壁題詩句任運還同不繫舟

余見僧繇性希奇巧妙間生梁朝時道子  
飄然爲殊特二公善繪手毫揮逞盡圖真  
意氣異龍行鬼走神巍巍饒貌虛空寫塵  
跡無因盡得志公師

久住寒山凡幾秋獨吟歌曲絕無憂逢  
不掩常幽寂泉涌甘漿長自流石室地爐  
砂鼎沸松黃柏茗乳香甌飢餐一粒伽陀



藥心地調和倚石頭

千生萬死何時已生死來去轉迷盲不識  
心中無價寶猶似盲驢信脚行

老病殘年百有餘面黃頭白好山居布裘  
擁質隨緣過豈羨人間巧樣模心神用盡  
爲名利百種貪婪進已軀浮生幻化如燈  
燼家內埋身是有無

世間何事最堪嗟盡是三途造罪楂不學  
白雲巖下客一條寒衲是生涯秋到任他  
林落葉春來從你樹開花三界橫眠閑無



三隱  
五言  
事明月清風是我家

昔年曾到大海遊爲采摩尼誓懇求直到  
龍宮深密處金闕鎖斷主神愁龍王守護  
安耳裏劍客星揮無處搜賈客却歸門內  
去明珠元在我心頭

衆星羅列夜明深岩點孤燈月未沉圓滿  
光華不磨瑩掛在青天是我心

千年石上古人蹤萬丈巖前一點空明月  
照時常皎潔不勞尋計問西東

寒山頂上月輪孤照見晴空一物無可貴



天然無價寶埋在五陰溺身軀

我向前谿照碧流或向巖邊坐盤石心似  
孤雲無所依悠悠世事何須覓

我家本住在寒山石岩棲息離煩緣泯時  
萬象無痕跡舒颺周流徧大千光影騰輝  
照心地無有一法當現前方知摩尼一顆  
珠解用無方颺颺圓

世人何事可吁嗟苦樂交煎勿底涯生死  
往來多少劫東西南北是誰家張王李趙  
權時姓六道三途事似麻祇爲主人不了



三  
三  
絕遂招遷謝逐迷邪

余家本住在天台雲路煙深絕客來千仞  
岩巒深可遯萬重谿澗石樓臺樽巾木屐  
公流步布裘藜杖繞山迴自覺浮生幻化  
事逍遙快樂實善哉

丹丘迥聳與雲齊空裏五峯遙望低鴈塔  
高排出青嶂禪林古殿入虹蜺風搖松葉  
赤城秀霧吐中岩仙路迷碧落千山萬仞  
現藤蘿相接次連谿

自從到此天台境經今早度幾冬春山水



不移人自老見却多少後生人

三字

寒山道無人到若能行稱十号有蟬鳴無  
鴉噪黃葉落白雲掃石磊磊山隩隩我獨  
居名善導子細看何相好

寒山寒冰鎖石藏山青現雪白日出照一  
時釋從茲暖養老客

我居山勿人識白雲中常寂寂

寒山深稱我心純白石勿黃金泉聲響撫  
伯琴有子期辨此音



重岩中足清風  
翳不搖涼氣通  
明月照白雲  
籠獨自坐一老翁

寒山子長如是  
獨自居不生死

不須攻人惡  
何用伐己善  
行之則可行  
卷之則可卷  
祿厚憂責大  
言深慮交淺  
聞茲若念茲  
小兒當自見

寒山詩終

杭州錢塘門裏車橋南大街郭宅紙鋪印行



豐干禪師錄

道者豐干未窮根裔古老見之居于天台  
山國清寺剪髮齊眉毳裘擁質緇素問掬  
乃云隨時貌悴昂藏恢端七尺唯攻春米  
供僧夜則高房吟詠自樂郡縣諳知咸謂  
風僧或發一言異於常流忽爾一日騎虎  
松徑來入國清巡廊唱道衆皆驚訝怕懼  
惺然並欽其德昔京輦與胤救疾到任丹  
丘跡無追訪賢人隱遯示化東甌唯於房  
中壁上書曰



余自來天台凡經幾萬迴一身如雲水悠  
悠任去來逍遙絕無閑忘機隆佛道世途  
岐路心衆生多煩惱兀兀沈浪海漂漂輪  
三界可惜一靈物無始被境埋電光瞥然  
起生死紛塵埃寒山特相訪拾得罕期來  
論心話明月太虛廓無礙法界即無邊一  
法普徧該  
本來無一物亦無塵可拂若能了達此不  
用坐兀兀



豐干禪師寒山拾得者在唐太宗貞觀年中相次垂跡於國清寺拾得者豐干禪師因遊松徑徐步於赤城道路側偶而聞啼乃尋其由見一子可言十歲初謂彼村牧牛之子委問逗遛云我無舍無姓遂引至寺付庫院候人來認數旬之間絕其親鞠乃令事知庫僧靈熠經于三祀頗會人言令知食堂香燈供養忽於一日與像對坐佛盤同餐復干聖僧前云小果之位喃南呵哩而言傷哉熠謂老宿等此子心風無



令下供乃令厨内洗滌器物每澄食滓而以筒盛寒山子來負之而去或發一言我有一珠埋在陰中無人別者衆謂癡子寺内山王僧常叅奉及下供養香燈等務食物多被烏所耗忽一夜僧衆同夢見山王云拾得打我瞋云汝是神道守護伽藍更受沙門參奉供養既有靈驗何以食被烏殘今後不要僧叅奉供養至旦僧衆上堂各說所夢皆無一差靈熠亦然喧喧未止熠下供養忽見山王身上而有杖痕所損



熠乃報衆衆皆奔看各云夜夢斯事乃知  
拾得不是凡間之子一寺紛紛具狀申州  
報縣符下賢士遯跡菩薩化身宜令號爲  
拾得賢士自是後常使淨  
金香火供養又於莊頭牧牛歌詠叫  
天又因半月布薩衆僧說戒法事合時拾  
得驅牛至堂前倚門而立拊掌微笑曰悠  
悠哉聚頭作相這箇如何老宿律德怒而  
呵云下人風狂破於說戒拾得笑而言曰  
無瞋即是戒心淨即出家我性與汝合一  
切法無差尊宿出堂打趂拾得令驅牛出



去拾得言我不放牛也此群牛皆是前生  
大德知事人咸有法號喚者皆認時拾得  
一一喚牛云前生律師弘靖出時一白牛  
作聲而過又喚前生典座光超出時一黑  
牛作聲而過又喚直歲靖本出時一牯牛  
作聲而出又喚云前生知事法忠出時一  
牯牛作聲而出乃獨牽謂牛曰前生不持  
戒人面而畜心汝今招此咎怨恨於何人  
佛力雖然大汝辜於佛恩大眾驚訝忙然  
因茲又報州縣使令入州不赴召命盡代



人仰因茲顯現寺衆徬徨咸歎菩薩來於  
人世聊纂實錄貴不墜爾兼於土地堂壁  
上書語數聯貴示後人乃集語曰

東洋海水清水清復見底靈源涌法泉斫  
水無刀痕我見頑器士燈心拄湏彌寸焦  
煮大海甲抹大地石烝砂豈成飯磨靚將  
作鏡說食終不飽直湏著力行恢恢大丈  
夫堂堂六尺士枉死埋冢間可惜孤標物  
不見日光明照耀於天下太清廓落洞明  
月可然貴余本住無方磅礴無爲理時陟



涅槃山徐步香林裏左手握驪珠右手握  
摩尼莫邪未足刃智劍斬六賊般若酒清  
泠飲啄澄神思余閑來天台尋人人不至  
寒山同爲侶松風水月間何事最幽邃唯  
有遯居人悠悠三界主古佛路淒淒無人  
行至此今跡誰不躡旋機滯凡累可畏生  
死輪輪之未曾息嗟彼六趣中茫茫諸迷  
子人懷天真佛大寶心珠祕迷盲沈沈流  
汨沒何時出

拾得自閭丘太守拜後同寒山子把手走



出寺跡隱後因國清僧登南峯采薪遇一  
僧似梵儀持錫入岩挑鎖子骨而去乃謂  
僧曰取拾得舍利僧遂白寺衆衆方委拾  
得在此岩入滅乃號爲拾得岩在寺東南  
隅登山二里餘地聊錄如前貴示後人矣

拾得詩

諸佛留藏經祇爲人難化不唯賢與愚箇  
箇心構架造業大如山豈解懷憂怕那箇  
細尋思日夜懷姦詐

嗟見世間人箇箇愛喫肉椀楪不曾乾長



時道不足昨日設箇齋今朝宰六畜都緣  
業使牽拈干情所欲一度造天堂百度造  
地獄閻羅使來追合家盡啼哭鑪子邊向  
火鑊子裏澡浴更得出頭時換却汝衣服  
出家要清閑清閑即爲貴如何塵外人却  
入塵埃裏一向迷本心終朝役名利名利  
得到身形容已顛顛况復不遂者虛用平  
生志可憐無事人未能笑得爾

養兒與取妻養女求媒娉重重皆是業更  
殺衆生命聚集會親情總來看盤飣目下



雖稱心罪簿先注定

得此分段身可笑好形質面貌似銀盤心  
中黑如漆烹猪又宰羊誇道甜如蜜死後  
受波吒更莫稱冤屈

佛哀三界子揔是親男女恐沉黑暗坑示  
儀垂化度盡登無上道俱證菩提路教汝  
癡衆生慧心勤覺悟

佛捨尊榮樂爲愍諸癡子早願悟無生辦  
集無上事後來出家者多緣無業次不能  
得衣食頭鑽入於寺



三隱  
嗟見世間人永劫在迷津不省這箇意修行徒苦辛

我詩也是詩有人喚作偈詩偈摠一般讀時湏子細緩緩細披尋不得生容易依此學修行大有可笑事

有偈有千萬卒急述應難若要相知者但入天台山岩中深處坐說理及談玄共我不相見對面似千山

世間億萬人面孔不相似借問何因緣致令遣如此各執一般見互說非兼是但自



修己身不要言他已

男女爲婚嫁俗務是常儀自量其事力何  
用廣張施取債誇人我論情入骨癡殺他  
雞犬命身死墮阿鼻

世上一種人出性常多事終日傍街衢不  
離諸酒肆爲他作保見替他說道理一朝  
有乖張過咎全歸你

我勸出家輩須知教法深專心求出離輒  
莫染貪婬太有俗中士知非不愛金故知  
君子志任運聽浮沉



三陽  
寒山自寒山拾得自拾得凡愚豈見知豐  
干却相識見時不可見覓時何處覓借問  
有何緣向道無爲力

從來是拾得不是偶然稱別無親眷屬寒  
山是我兄兩人心相似誰能徇俗情若問  
年多少黃河幾度清

若解捉老鼠不在五白猫若能悟理性那  
由錦綉包真珠入席袋佛性止蓬茅一羣  
取相漢用意揔無交

運心常寬廣此則名爲布輟已惠於人方



可名爲施後來人不知焉能會此義未設  
一庸僧早擬望富貴

獼猴尚教得人何不憤發前車旣落坑後  
車湏改轍若也不知此恐君惡合殺比來  
是夜又變則成菩薩

君不見三界之中紛擾擾祇爲無明不了  
絕一念不生心澄然無去無來不生滅  
故林又斬新剡源谿上人天姥峽關嶺通  
同次海津灣深曲島間淼淼水雲雲借問  
嵩禪客日輪何處曠



自笑老夫筋力敗，偏戀松巖愛獨遊。  
可嘆往年至今日，任運還同不繫舟。

一入雙谿不計春，鍊泉黃精幾許斤。  
鑪竈石鍋頻煮沸，土甑久烝氣味珍。  
誰來幽谷餐仙食，獨向雲泉更勿人。  
延齡壽盡招手石，此棲終不出山門。

躑躅一羣羊，沿山又入谷。  
看人貪博簊，且遭彩狼逐。  
元不出孳生，便將充口腹。  
從頭喫至尾，餉餉無餘肉。

銀星釘秤衡，綠絲作秤細。  
買人推向前，賣



人推向後不顧他心怨唯言我好手死去  
見閻王背後插掃帚

閉門私造罪準擬免災殃被他惡部童抄  
得報閻王縱不入鑊湯亦須卧鐵床不許  
崔人替自作自身當

悠悠塵裏人常樂塵中趣我見塵中心  
多生愍顧何哉愍此流念彼塵中苦

無去無來本湛然不居內外及中間一顆  
水晶絕瑕翳光明透滿出人天

少年學書劍叱馭到荊州聞伐匈奴盡婆



娑無處遊歸來翠岩下  
席草枕清流壯士志  
朱紱獼猴騎土牛

三界如轉輪浮生若流水  
蠢蠢諸品類貪生不覺死  
汝看朝垂露能得幾時子

閑入天台洞訪人人不知  
寒山爲伴侶松下噉靈芝  
每談今古事嗟見世愚癡  
箇箇入地獄那得出頭時

古佛路淒淒愚人到却迷  
祇緣前業重所以不能知  
欲識無爲理心中不掛絲  
生生勤苦學必定覩吾師



各有天真佛號之爲寶王珠光日夜照玄  
妙卒難量盲人常兀兀那肯怕災殃唯貪  
媼佚業此輩實堪傷

出家求出離哀念苦衆生助佛爲揚化令  
教選路行何曾解救苦恣意亂縱橫一時  
同受溺俱落大深坑

常飲三毒酒昏昏都不知將錢作夢事夢  
事成鐵圍以苦欲捨苦捨苦無出期應須  
早覺悟覺悟自歸依

雲山疊疊幾千重幽谷路深絕人蹤碧澗



清流多勝境時來鳥語合人心

後來出家子論情入骨癡本來求解脫却  
見受驅馳終朝遊俗舍禮念作威儀博錢  
沽酒喫飜成客作兒

若論常快活唯有隱居人林花長似錦四  
季色常新或向岩間坐旋瞻丹桂輪雖然  
身暢逸却念世間人

我見出家人揔愛喫酒肉此合上天堂却  
沉歸地獄念得兩卷經欺他市鄠俗豈知  
鄠俗士大有根性熟



我見頑鈍人燈心挂湏彌蟻子齧大樹焉  
知氣力微學齧兩莖菜言與祖師齊火急  
求懺悔從今輒莫迷

君見月光明照燭四天下圓輝掛太虛瑩  
淨能蕭洒人道有虧盈我見無衰謝狀似  
摩尼珠光明無晝夜

余住無方所磅礴無爲理時陟涅槃山或  
玩香林寺尋常祇是閑言不干名利東海  
變桑田我心誰管你

左手握驪珠右手執慧劍先破無明賊被



珠自吐燄傷嗟愚癡人貪愛那生獸一墮  
三途間始覺前程險

般若酒泠泠飲多人易醒余住天台山九  
愚那見形常遊深谷洞終不逐時情無思  
亦無慮無辱也無榮

此下與寒山詩大  
同小異語意相涉

自從到此天台寺經今早已幾冬春山水  
不移人自老見却多少後生人

平生何所憂此世隨緣過日月如逝波光  
陰石中火任他天地移我暢巖中坐

嗟見多知漢終日枉用心岐路逞嘍囉欺



謾一切人唯作地獄滓不修來世因忽爾  
無常到定知亂紛紛

迢迢山徑峻萬仞險隘老石橋莓苔綠時  
見白雲飛瀑布懸如練月影落潭暉更登  
華頂上猶待孤鶴期

松月冷颼颼片片雲霞起  
峇市幾重山縱目  
千万里谿潭水澄澄徹底鏡相似可貴  
靈臺物七寶莫能比

世有多解人愚癡學閑文不憂當來果唯  
知造惡因見佛不解禮覩僧倍生瞋五逆



三  
十惡輩三毒以爲鄰死去入地獄未有出  
頭辰

人生浮世中箇箇願富貴高堂車馬多一  
呼百諾至吞併他田宅準擬承後嗣未逾  
七十秋冰銷瓦解去

水浸泥彈丸思量無道理浮漚夢幻身百  
年能幾幾不解細思惟將言長不死誅剥  
壘千金留將與妻子

雲林最幽棲傍澗枕月谿松拂盤陀石甘

泉涌淒淒靜坐偏佳

麗虛巖  
地日斜樹影低



可笑是林泉數里勿人煙雲從巖起嶂瀑布  
水潺潺猿啼暢道曲虎嘯滿山間松風清  
颯颯鳥語聲閑閑獨步繞石澗孤陟上峯  
巒時坐盤陀石偃仰攀蘿泐遙望城隍處  
唯聞鬧喧喧

我見世間人箇箇爭意氣一朝忽然死祇  
得一片地闊四尺長丈二汝若會出來爭  
意氣我與汝立碑記

家有寒山詩勝汝看經卷書放屏風上時  
時看一徧



閑自訪高僧青山與白雲東家一稚子西  
舍衆羣羣五峯聳雲漢碧落水澄澄師指  
令歸去日下一輪燈

拾得詩卷終



天台山國清禪寺三隱集記

豐干禪師唐正觀初居天台國清寺剪髮  
齊眉衣布裘人或問佛理止荅隨時二字  
常唱道乘虎出入衆僧驚畏無誰語有寒  
山子拾得者亦不知其氏族時謂風狂子  
獨與師相親寒居止唐興縣西七十里寒  
岩以是得名拾因師至赤城道側聞兒啼  
聲問之云孤棄于此乃名拾得攜至寺付  
庫院後庫僧靈熠令知食堂香燈忽登座  
與佛像對盤而餐復於聖僧前呼曰小果



熠告尊宿等易令厨内滌器常日齋畢澄  
瀝殘食菜滓以簞盛之寒來即負之而去  
寒容貌枯悴布襦零落以樺皮爲冠曳大  
木屐時至寺或廊下徐行或厨内執爨或  
混麪童牧或時叫噪望空慢罵云咄哉咄  
哉三界輪迴僧以杖逼逐即拊掌大笑一  
日問師古鏡不磨如何照燭曰冰壺無影  
像猿猴探水月曰此是不照燭也更請師  
道曰萬德不將來教我道甚麼寒拾俱作  
禮師謂寒曰汝與我遊五臺即我同流若



不與我去非我同流曰我不去師曰汝不  
是我同流寒問汝去五臺作甚麼曰我去  
禮文殊曰汝不是我同流師尋獨入五臺  
逢一老翁問莫是文殊否曰豈有二文殊  
及作禮忽不見後回天台而化寒因衆僧  
炙茄以茄串打僧背一下僧回首寒持串  
云是甚麼僧云這風顛漢寒示傍僧曰你  
道這箇師僧費却多少塩醬趙州到天台  
行見牛迹寒曰上坐還識牛麼此是五百  
羅漢遊山州曰既是羅漢爲甚麼作牛去



寒曰蒼天蒼天州呵呵大笑寒曰笑作甚  
麼州曰蒼天蒼天寒曰這小厮兒却有大  
人之作瀉山來寺受戒與拾往松門夾道  
作虎吼三聲瀉無對寒曰自從靈山一別  
迄至于今還相記麼瀉亦無對拾拈拄杖  
曰老兄喚這箇作甚麼瀉又無對寒曰休  
休不用問他自從別後已三生作國王來  
總忘却也拾掃地寺主問姓箇甚麼住何  
處拾置筵叉手而立主罔測寒槌曾曰蒼  
天蒼天拾問汝作甚麼寒曰豈不見道東



家人死西家助哀因作舞笑哭而出又於  
莊舍牧牛歌詠叫天曰我有一珠埋在陰  
中無人別者衆僧說戒拾驅牛至倚門拊  
掌微笑曰悠悠哉聚頭作相這箇如何僧  
怒呵云下人風狂破我說戒拾笑曰無瞋  
即是戒心淨即出家我性與汝合一切法  
無差驅牛出乃呼前世僧名牛即應聲而  
過復曰前生不持戒人面而畜心汝今招  
此咎怨恨於何人佛力雖然大汝辜於佛  
恩護伽藍神僧厨下食每每爲烏所耗拾



杖扶之曰汝食不能護安能護伽藍乎神  
附夢于合寺僧曰拾得打我詰旦說夢一  
一無差視神像果有所損驚異牒申郡縣  
郡謂賢士邂逅菩薩應身號拾得賢士初  
問丘胤將牧丹丘頭疾醫莫能愈遇禪師  
名豐干言自天台來謁使君告之病師曰  
身居四大病從幻生若欲除之應湏淨水  
索器呪水喫之立愈問丘異之乞言示此  
去安危之兆師曰記謁文殊普賢此二菩  
薩見之不識識之不見若欲見之不得取



相國清寺執爨滌器寒山拾得是也問立  
到任三日至國清問此寺有豐干禪師否  
寒山拾得復是何人僧道翹對曰豐干舊  
址在經藏後今闌無人矣寒山拾得尚處  
僧厨間立入師房止見虎迹復問在此作  
何行業翹曰唯事負春供僧閑則諷詠入  
厨尋訪寒拾見於竈前向火拊掌大笑問  
立致拜二人連聲呵叱執手復大笑曰豐  
干饒舌饒舌彌陀不識禮我何爲相攜出  
松門自此不復入寺問立歸郡送淨衣香



藥到岩寒高聲喝曰賊賊遂入岩石縫中  
且曰報汝諸人各各努力石縫忽合後有  
僧採薪南峯距寺東南二里遇一梵儀持  
錫入岩挑鎖子骨曰取拾得舍利乃知入  
滅于此因號岩爲拾得問丘俾道翹尋訪  
遺跡於林間葉上得寒所書辭頌及村墅  
人家三百餘首拾亦有詩數十首題石壁  
間云按舊序二人呵叱自執手大笑問丘  
歸郡遺送衣藥與夫挑鎖子骨等語乃知  
寒山不執問丘手問丘未嘗至寒岩拾得



亦出寺門二里許入滅今傳燈所錄誤矣  
因筆及此以俟百世君子淳熙十六年歲  
次己酉孟春十有九日住山禹允沙門志南  
謹記

錄陸放翁與明老帖

有人兮山陴雲卷兮霞瓔秉芳兮欲寄  
路漫兮難征心惆悵兮孤疑蹇獨立兮  
忠貞

此寒山子所作楚辭也今亦在集  
中妄人竄改附益至不可讀放翁



書寄 天封明公或以刻之山中  
也

錄郭奎書

夫寒山詩者昔天台國清南老將前太  
守問丘採集詩卷重新刊木流通此本  
年遠不存元貞間余偶得之於錢唐謹  
自重書用以流傳必有慕道之士一覽  
而深省者余雖老死丘壑而志願終矣  
皆元貞丙申聖制日前休子郭奎焚香  
敬書



釋音

囂

許亮切

鼻

蒲冒切

峙

長里切

淬

壯士切

軋

幽轄切

過

曳切

楮

周切

芟

書咸切

嶢

常咸切

喃

奴咸切

壤

古回切

瑋

子鬼切

傑

求列切

文

子文切

邯

鄆

上胡甘切

下多單切

榜

必孟必浪二切

陟

知力切

石

郎罪切

蔓

遇切

前

生

作

宗故切

麤

甫口切

麤

郎斗

衣孔切

估

居果胡末二切

扶

於洪切

既

居又切

擊

楚奎切

鬚

女耕切

嗟

魚佳切

啖

音皆切

喂

烏罪切

腰

奴罪切

鵠

茲姚切

鵠

胡甲切

啖

苦合切

睥

上音計切

睥

上音計切

下愚計切

醪

桑感切

鬣

蕭完切

啞

上於角切

啞

夷切

啞

強笑貌

擢

奴候切

趾

上音計切

躍

上音計切

下所倚切

跣

徒切

祛

丘虛切

梟

古遙切

殂

子胡切

蟬

徒含切

婦

浮後切

婪

郎甘切

蹇

郎甘切

屠免切

噴

呼孔切

諛

容朱切

齟

才言切

齟

吾牛與切

唼

疎括切

衍

由綃切

伺

土公切

覲

土公切

孺

上女奚切

下如

毛

上徒紅切

蒙

下名孔切

馬

上力足切

下如

駮

下如

駮

大呼切

虎也

駮

大呼切



媼

上烏八切下女

齊

將西切

幟

及志切

礦

古猛切

售

常又切

苜

所交切

耒

耜

上良妹切

毛

蘇甘切

陬

將侯切

曹

蒙登切

誚

才笑切

嗤

昌夷切

啐

倉憤切

儼

儼

力非切

振

直賡切

埒

蒲沒切

鬣

力業切

官

古完切

繫

陟立切

湫

古求切

鰕

北求切

諛

諛

波

上虛檢切下彼

懸

遠去聲

埏

以旃切

嶠

上徒結切

嶠

上徒結切

嶠

上徒結切

嶠

上徒結切

嶠

嶠

上徒聊切

下五

瞰

他昆切

紱

分勿切

瀧

上芦紅切

凍

下都紅切

紆

紆

紆

紆

紆

紆

紆

佛經謂西國苦樹子根

技俱苦喻衆生之惡也

簞

博簞也

簞

行基相磨



慈受深和尚擬寒山詩

慈受叟

懷深

述

寒山拾得廼文殊普賢也有詩三百餘首  
流布世間莫不丁寧苦口警悟世人種種  
過失至於幼女文婦之姿態惡少偷兒之  
性情斗秤欺瞞是非品藻靡不言之其間  
稠疊言之者誠殺生也詩云寄語食肉輩  
食時無逗留今生過去種未來今日修祇  
取今日美不慮來生憂老鼠入飴瓮雖飽  
難出頭又云人喫死猪肉猪喫死人腸猪



不道人臭人反道猪香猪死拋水裏人死  
掘地藏彼此莫相食蓮花生沸湯嗚呼聖  
人出現混迹塵中身為貧士歌笑清狂小  
偈長詩書石題壁欲其易曉而深誠也經  
云若不去殺斷一切慈悲種慈悲者仁也  
余因老病結茅洞庭終日無事或水邊林  
下坐石攀條歌寒山詩哦拾得偈適與意  
會遂擬其體成一百四十八首雖言語拙  
惡乏於文彩庶廣先聖慈悲之意建炎四  
年二月望日序



我愛寒山子身貧心自如吟詩無韻度燒  
火有工夫弊垢衣慵洗鬚髻髮懶梳相逢  
但長嘯肉眼豈知渠

拾得詩清苦風騷道自存看雲歌恠石步  
月出松門識取心中佛休磨鏡上痕時時  
多漏泄塵世少知恩

寒山三百篇言淡而有味論心無隱情警  
世多逆耳下士聞之嗔上士讀之喜翻笑  
老間丘對面如千里

吾詩少風騷急欲治人病譬如萬靈丸服



者無不應良藥多苦口忠言須逆聽勸君  
勉強服生死殊不定

佛以真實口說法無虛謬人天常誦持龍  
神知護祐施食放生命決定報長壽過酒  
與僧尼後世必無手

在家聞見熟意謂合食肉一蟻不忍殺何  
況烹六畜願君青眼開試將黃卷讀要聞  
知見香熏汝腥羶腹

世上多殺生遂有刀兵劫負命殺汝身欠  
財焚汝宅離散汝妻子曾破他巢穴影響



各相似洗耳聽佛說

偶然家計富享用便過度猪猡思食羊魚  
獸思食兔朝昏但醉飽錐刀圖積聚不畋  
鶉在突

拙莊

此理早須悟

何曾食萬錢顏子飲一瓢賢者心念道愚  
人志在庖賢愚趣不同何啻雲泥遙豢養  
恐非福可信如昭昭

世間一等人諂事諸神鬼殺命欲邀福皇  
天無此理種棘不生禾身曲影難直孔子  
有箴誠可信如金石



人生平爲福有餘返爲害莊周燭理明可  
作貪者戒富漢喜食肉貧家多喫菜喫菜  
比食肉且無身後債

漁者不能獵獵者不能漁

楞伽經云爲利故殺生以錢網

諸肉二俱

爲殺

貴人

錢爲網

水陸皆可圖

畜生肉嘗遍諸佛心轉踈黃泉途路滑失

脚恐難扶

富人聚族多魚肉論秤買腥羶衆口分罪  
業一身載既失慈悲心恣情爲殺害忽然  
死到來去還畜生債



祝壽作生日親朋互相慶未燒一爐香且  
殺百箇命奴僕各醉飽歌舞亂觀聽如此  
望長年爲汝慚諸聖

日食半斤肉十年一百秤且限六十年不  
知幾箇命肉塊高如山業坑深似井前路  
黑漫漫勸君宜猛省

有酒方開顏無肉不舉筋顛倒自戕賊擬  
將血肉補棄却囊中金反取路傍土不見  
富貴家未死神先去

人生稍富足著意營口腹買魚尋鱖魚買



肉要羊肉諦觀異類身無非親眷屬正當  
舉筭時仁人宜自燭

忽聞賊殺人吞聲眉已皺不知盃中羹甘  
肥自何有汝身既怕死物命亦愛壽彼此  
莫相殺且要無身後

忍人喜啖膾砧几膏血灑想見魚痛時正  
似人遭舂咀嚼稱珍奇惻隱略無也影響  
恐非遙不在九泉下

肉食未必珍蔬食未必惡若知妄想根始  
笑舌頭錯此身喻行廁臭穢相勾絡打破



飯袋子光明常爍爍

猪狗啖人糞人啖猪狗肉臭穢都不知熏  
蒸境界熟身口既不淨諸天多勞目自新  
宜早爲况是光陰速

買肉須要肥買魚須要活買酒須要美買  
田須要闊買婢須要峭買奴須要黠若教  
買香燒一毛不肯拔

美食意生貪饕食心起怒喃喃嗜飽蒲殊  
不知來處人生一飯間貪嗔癡悉具智者  
善思惟莫爲鋪啜悞



人生貴無求樂善而知足安步以當車晚  
食以當肉藜羹傲鼎食草茵欺綉褥須知  
高明家鬼神瞰其屋

有箇聰明漢家中五慾全喫得肉已飽來  
尋僧說禪心口自違背佛祖望齊肩不知  
有底急平白要瞞天

冷笑富家翁營生忙似鑽困裏米生虫庫  
中錢爛貫白日把秤稱夜間點燈筭形骸  
如傀儡莫教麻線斷

一翁生七兒各房納一婦親賓常有歡鵝



鴨殺無數不覺子孫生婚嫁未曾住閉門  
造姪殺也好思量取

福輕似鴻毛禍重如厚地避禍而修福百  
中無一二黃雀死彈丸錦鱗喪香餌箴誠  
甚分明願君宜早計

大富長者家具足諸煩惱福多作業多福  
少作業少爭如貧道人一裘一紙襖也不  
怕死生也不憂賊盜

我口常喫菜你腹常飽肉看你肥如瓠笑  
我瘦如竹我瘦且無冤汝肥恐非福斯言



雖逆耳請君徐徐讀

好生惡死心人畜無差別刀砧纔見前愁

苦不容說鶉詩頗哀鳴蔡元長太師喜食鶉子羹庖人常養

之於籠日取烹之一夕夢鶉鶉飛至座前乃作人語具道誠殺意遂賦詩一首以乞

命云食君數粒粟作君慎勿食禍福相反覆

蔡公遂撒鶉羹一牛拜彌慘切在梁孝元帝

味不悟詩中之意牛拜彌慘切在梁孝元帝

有人為望蔡縣令經劉敬躬亂縣廨舍被

焚寄寺而住民將牛酒作禮縣令以牛繫

殺屏除像設鋪陳牀座於堂上接賓客未

殺之頃牛解繩來堦下而拜令大笑令左

右殺之飲啖醉飽便臥簷下及醒即覺體

痒抓搔之應瘡因成癩十許年方死出顏氏

家訓亦載嗟吁人不悟一至身殂滅

太平廣記



刀上有少蜜小兒爭欲舐花底藏毒蛇老  
翁不瞥地割舌與傷身皆從貪愛起世上  
聰明人徃徃皆如是

有人好臧否信口亂比况張三小有才李  
四大無當終日品藻人不知是虛誑自己  
一靈物拋在糞堆上

人生萍託水流轉諸愛河鼓激無明風出  
入生死波一念若知歇諸魔必倒戈急湏  
登覺岸勸子莫蹉跎

肥魚死砧机過在貪香餌蚌蛤不吞鈎亦



遭人所嗜有身則有苦無身則無累跳出  
業波瀾始到安樂地

人生貪愛重所欲未嘗周一飯飽足矣萬  
鍾心未休黑業埋頭做紅裙判命求鬢毛  
已侵雪猶自不知羞

一朝失一朝一瞬老一瞬去生漸漸遠去  
死漸漸近願君倒指數光陰有幾寸驀被  
死魔牽前頭多悶悶

黃犬被人殺哀號告訴人汝不辨犬語犬  
必怨汝身惡根今日種苦果異時新酬償



恐未已早以戒香熏

黃犬見人喜未喚先掉尾長年護汝家深夜不敢睡無罪忽見烹此理恐未是細推犬有功却歎人無義

因果耳不聞說話多差錯畜生若不殺在無處著此語乃魔語誘人入鼎鑊不知羊與人互換相酬酢

今生你殺羊後在羊殺你兩角還兩角一尾償一尾假使百千劫影響無差理見你氣崢嶸無人敢啓齒



君看砧上魚忍痛不能語身雖遭斬斫心  
猶念男女人既有妻兒魚豈無子母若懷  
這箇心如何可下筯

貴人惜性命奉養欲長生空心鹿茸酒補  
氣腰子羹湯藥不離口卑濕豈敢行饒君  
善將理難與死魔爭

人生貴無業不貴多技能技能人看好業  
能災汝形文章妙天下氣宇吞滄溟此身  
若一失六趣且飄零

猪羊養一群鷄鵝不知數準擬賓客來旋



殺供盤筋烹羊猪已驚割雞鵝已懼從頭  
喫至尾不知何以故

嗟乎崔道紀酒狂啖龍子天網信不漏響

應若彈指既失黑頭相便作黃泉鬼怜君

學仲尼曾無子產志唐前進士崔道紀為

第後遊江淮間遇酒醉甚以于客館中汲

水有一魚隨桶而上僕者異之以告道紀

乃喜曰魚羹能醒酒可速烹之既食良久

有黃衣使者自天而下立於庭中連呼道

紀道紀使人執提宣勅罷曰崔道紀下土

小民敢殺龍子官合至宰相壽合至七十

並除言訖昇天而去夜道紀

暴卒時年三十五出異錄記



嫌價利小價利更若高溝壑皆餓殍人生  
萌此心鬼神暗裏笑

世人無智慧區區營口體啜茶伯損脾食  
蔬恐耗氣二毛今半百千金買一醉筭來  
點是癡嗟君開眼睡

老翁急營生貪饕不可化一截已入土百  
事放不下經卷無暇看數珠未曾把死去  
見閻王必定遭唾罵

貧賤關前業休嗟命未亨田園不種樹花  
果何由生升沉兩條路看你如何行願君



牢着脚前面有深坑

人生如春花能得幾時好朝吹與暮洗朱  
顏變枯槁花落有時生人老不復少萬事  
只今休莫惹閑煩惱

富漢欺貧漢南隣瞞北隣斗秤有兩樣言  
語無一真大秤買他物小斗糶與人眼下  
得便宜暗中多鬼神

人生重道德不重多金銀金銀潤汝屋道  
德光汝身金銀生盜賊道德息貪嗔尋思  
富漢子不如貧道人



健啖衆生肉癡心要作過白髮五六十紅  
裙七八箇歌舞中笑談錦繡中坐臥苦海  
前頭深莫教船子破

天高聽甚卑神幽察甚厚

神幽即陰司也

埋蚕蚕

變尸燒蟻蟻成漏呵吹一氣間冷暖各成

就惡從汝心生還從汝心受

蜀郡大慈寺僧修準雖云

齋戒性甚褊躁庭前植竹多蟻緣欄檻準

怒伐去竹盡取蟻子棄灰火中準後患癰

瘡遍於頭面不勝其痛苦醫者云蟻漏竟

終此病出微誠錄唐咸通庚寅歲恪師大

飢穀價騰貴民有菜色至蚕月桑爲虫食

葉甚貴有村民王公直有桑百餘株與妻

謀曰蚕尚未知有得失以我計者莫若棄

蚕棄貴賣葉可獲錢百千而蓄一月之糧



則接麥矣妻曰善即携鋤掘地卷蚕數箔埋焉明日凌晨荷葉鬻得錢數千買肉餅餌以歸至徽安門吏見囊中滴血既搜之得人左臂若新斬者遂送至所司考之其款云某埋蚕賣葉買肉以歸實不殺人監令就發其坑果得一死人闕其左臂府尹曰王公直設無殺人之辜且有埋蚕之咎法亦可恕情罪難容况蚕天地靈虫綿帛爲本敢加剽絕與殺人同當寘嚴刑遂命於市殺之王公直既死再驗埋蚕皆爲腐虫出三水水牘記

池中養却魚岸上養却鴨瘦者餵教肥肥者便要殺不思身債重只要口甘滑臘月三十日看你成忒怛

世上聰明人必欲聞其過不知是業牽却



云合恁麼因果鏡中容容豈非是我陰報  
最分明不論官職大

口如無底谷鋪啖何時足力未能長疎心

且戒四肉

四肉者自殺見殺聞殺或至親舊之家專爲我殺

腥羶

念有間慈悲種漸熟人生彈指間少恣無  
明腹

世人點是癡忘身多爲口拚命喫河魴忍  
臭餐石首年年江浙間藥殺十八九自云  
直一死佛亦不可救

自能持不殺隨處多放生如人犯刑憲墮

落枷鑊坑忽然身得脫驚喜且悲鳴含生  
皆怕死何欲苦相烹

前世殺害多今報夭折苦方矜面如花已  
見身歸土哭倒白頭親怨殺朱唇婦因果  
鏡中形毫髮無差悞

人間官法中畜生殺無罪朝烹與暮割恬  
然不知悔世法雖不理冤債何時已不見

遂安公五犬逼而死

唐交州遂安公李壽  
好獵殺鄰家犬餵鷹

公因疾見五犬索命公曰殺你者奴之過  
也非我罪也犬曰奴豈得自由是你使之  
我等既不盜你之食自於門首過在殺我  
終不休也公謝罪請為追福四大許之一



白犬曰既無罪殺我我氣未絕生割我肉  
醫醫苦痛吾思此毒何可放也有頃少甦  
遂患偏風支體不遂雖為犬  
追福公竟疾不差出冥報記

前世食肉多今報疾病苦針艾遍支體呻  
吟徹朝暮良醫雖有術夙業豈能去願君  
祈懺摩剗心聽佛語

守口要如餅語言當自保多知多是非少

出少煩惱東平樂為善東平王蒼顯宗弟

何事最樂蒼云為司馬只稱好後漢司馬

善最樂帝歎之人之短與人語無問好惡皆言好有人問

安否荅曰好有人自陳子死荅曰好妻責  
之曰人言好微曰卿言亦大好也相逢但  
子死亦言好微曰卿言亦大好也相逢但

寒溫萬事皆默了

浮生類俳優但可付一笑做人復做馬喫飯今喫草富貴變貧窮醜陋却美好不識主人公去來三惡道

人云我聰明識盡天下理逐日弄精蒐長年鑽故紙自家一箇心殊不知落地及乎死到來看你無巴鼻

世人怕說死說着死便諱及期死到來老眼先垂淚戀妻復戀妾見神并見鬼不入祖師門癡迷直到底



清言  
六十休造屋七十莫置衣縱然得受用能  
得幾多時身心要早歇準擬與死期正如  
人遠出預辦者便宜

野鹿貪嗜草忽中獵師箭老鼠翻飯盆已  
落狸奴便禍從貪上起苦自愛中現貪愛  
若不生災害自然遠

道力與福力平時似亂真福力有盛衰道  
力無富貧人生不學道只種輪迴因君看  
天福盡滿眼生埃塵

不貪以爲寶日用無欠少一裘聊禦寒百

味無過飽堪嗟塵世  
人經營長擾擾衣底  
摩尼珠光明都昧了

善惡生汝心汝心宜  
早戢鵝烹語告人狗  
死竟猶立警誡甚分  
明愚耳終不入苦果

一朝熟恐君悔不及

唐何澤者容州人嘗

唯以飲啖爲事尤嗜鵝鄉胥里正常令供  
納日加烹殺只有一子形貌秀整受伶特  
甚嘗一日烹鵝羹湯以待沸鵝忽作人語  
曰我四回爲鵝皆遭知縣殺之何如更廷  
我數月之命庖人驚訝以告澤澤親問之  
鵝亦如前語澤曰只此一回復後次不殺汝  
也遂烹之其子似有鬼物操置鑊中舉家  
驚忙就出之則與鵝俱爛矣出勸善錄  
唐貞觀間盤屋鄴縣界有果毅者每有客  
來必置犬以設饌衛士家有十犬前後買



盡其最後一犬煮未熟果毅對客坐遂聞  
婦人哭聲意疑其妻向家看之不見哭至  
廳前再見妻不哭如此者數四後再向家  
即聞哭聲於門外若門外郎聞哭聲在門  
內其客大驚坐不安席仍聞哭聲云男女  
生十箇盡被果毅典盡皇天厚地豈不憫  
我客聞之數遍了了分明果毅因此得病  
苦痛累月而終長安共傳出法苑珠林  
老翁死却兒晝夜搥臂哭痛心徹骨髓叫  
云我孤獨何不返思量恣啖猪羊肉羊豈  
不思兒猪亦有眷屬  
惡人罵善人善人拗不對善人若還罵彼  
此無智慧不對心清凉罵者口熱沸正如  
人唾天還從己身墜

莫憂家未富家富鬼神惡莫憂官未窮官  
窮朝市妬多求災禍根知足安樂處君看  
權勢家晝夜如騎虎

一日日知衰一年年覺老唯有貪愛心頑  
然如壯少臨行念子孫垂死顧財寶世間  
此等人可哀不可吊

衆生方寸間貪量如海闊保持一箇身擬  
作千年活金玉已滿堂更欲相攘奪至死  
少一官令人冷笑發

小人妬君子百計求全毀自己醜惡聲不



知滿人耳譬如蜚蝗蟲蛄臭為香美却笑  
鸞與鳳不與已為類

人身如假借其勢豈能久

涅槃經云人身如假借物豈能

畱鏡中兒時面轉眄成老醜安得閑日月  
與人鬪棊酒不能求放心處處隨物走

人身有一疾呻吟徹眠夢買藥與呼醫告

佛仍設供諸佛雖不語愍汝顛倒重殺羊

食其心何不念他痛

法進禪師開皇中蜀王臨益州以妃患心

痛命醫方士符呪無効乃請進進辭曰某

住山今八十歲與木石等願報大王不及  
出也王再三請進堅不行王遂怒欲斬之  
既見進王不竟身顛汗下遂回心曰妃病

心痛日久呻吟誠不忍聞願師慈悲救  
此苦進曰大王每日殺羊食心豈不  
一切衆生皆是佛子何因此妃生此偏愛  
王藏悔謝進曰請王先行進隨入妃一見  
師汗流因尔便愈王與妃見  
師足離地四五寸出高僧傳

世人無慈悲恣情爲殺害喫肉如大蟲唯  
誇牙齒快不念衆生苦暢我箇皮袋皮袋  
暫時肥須臾却敗壞

世事多不平平者唯有死死若更不平貧  
漢何時已朱樓高挿雲金帶光照地無常  
一日來閻王誰管你

若以諍止諍其諍轉不已唯忍能止諍是



法中尊貴不見老瞿曇妙相三十二魔軍  
刀劍來只以無心對

富甚足憂煩貧甚多飢餓要於貧富間知  
足隨緣過人生不知足貪財是貪禍黑暗  
功德天尋常一處坐

嗔火焚和氣令人相貌惡脩羅纔現前菩  
薩都走却養就三毒軀念爲五慾樂智者  
善思惟早服慈悲藥

心王不自明便被六賊擾見色已昏迷聞  
香即顛倒功德與法財盡底遭劫了只因

無慧力貧窮三惡道

世人皮底點肚裏沒頭癡只取眼前樂不  
憂身後非眼前樂不以身後苦多時願君  
早爲計後悔恐難追

求名趨於朝求利入於市古今朝市間相  
爭如鼎沸不如歸山林揩磨自心地心地  
若分明名利如唾涕

人身苟無業生死何足疑生也不須戀死  
亦不須悲一身真逆旅萬事皆兒嬉請來  
綠巖畔與君歌紫芝



因果如影響毫髮無差錯啖炙僧腸寧有

人

逐羊奔寺比丘遂指示之乃殺以炙啖比丘食已炙遍於皮下走穿腹而卒出辨正

錄指熊樵臂落

有熊夫入山值大雪極寒有熊似知人意遂引入窟

至雪霽樵夫下山見獵人乃指示其熊窟處牽手指之即時臂落出經律異相論

獸面心有仁人面心有惡天地終不容立

見身消爍

靜看營巢燕銜泥日千轉一棲貧家梁一

宿王者殿寄托暫時間何暇分貴賤人生

達此理沒齒無欣怨

貴人何所憂所憂唯是老既老何所憂憂

見無常到逢人問方術閉門弄丹竈此心  
若不歇至死亦顛倒

可畏是輪迴念念無停住纔見出頭來又  
見翻然去換面與改頭爲男或作女不識  
主人翁來去多辛苦

蚕忙貪作蠶蜂忙貪作蜜蠶成自己寒蜜  
就別人食座上憂家翁辛苦無暫息也似  
二虫癡於身無所得

三四小孩兒爭拈百草嬉懷中有梨栗衣  
上汗塵泥也似年高者貪迷聲色時世間



無老少總是一般癡

貪嗔汝鑊湯愚癡汝地獄  
劒樹及刀山汝心皆具足  
要以智慧水洗此無明毒  
九聖路無多正如手翻覆

譬如臨明鏡面目各相對  
好者默自欣醜者默自媿  
唯鏡兩無情光明常一體  
若人心似鏡成佛在彈指

厚葬非孝心死者必遭辱  
君看離亂時何墓不伐斲  
黃金衆賊分白日孤鬼哭  
最愛老莊周天地爲棺木

屋可蔽風雨何苦闢華麗堯舜乃聖君光  
宅天下被茅茨未嘗剪土堦亦不砌不知  
爾何人鱗鱗居大第

出家要省緣省緣易入道如何無事人樓  
攬閑煩惱奔走富貴門莊嚴房舍好不知  
被物使區區直到老

傷嗟富貴家殺害無虛日食羊割牀膀

京師

之羊旁殺羊方取一二片烙鱉呼卒律

熱以

貴人多食之爲近乳也火筋活刺鱉身肉在筋上呼爲鱉卒律其

人因病有小鱉無數自腦中出累年方死

物有千般痛沙無一念恤福力忽然終黃



連猶是蜜

浮生七十歲二萬五千日睡眠與疾病光陰強半失火急便回頭寸陰誠可惜嗟吁世上人班白猶放逸

世上貪饕漢因財日夜煎天公借與汝看守七十年譬如良田穀春種秋方圓不見

張車子生來便有錢

昔人貧日告上天以求富盛遂感天帝見

之今借張車子錢十萬貫與之待十年却還後至十年其人欲移居以避天帝還盛之語以車數十乘載其所畜至中路僕夫姓張妻在車下生子小字曰車子車子既

生生計日盛其人遂窮

有福莫享盡福盡身貧窮有勢莫使盡勢  
盡冤相逢福兮常自惜勢兮常自恭人生  
驕與侈有始多無終

自料七十歲可期不可期況今五六十形  
骸日漸衰正如春暮後青多紅少時去住  
呼吸間佛言真不欺

我若被人罵佯聾不分說譬如火燒空不  
救自然滅嗔火亦如有物遭他熱我心  
等虛空聽你翻唇舌

四大是假合何況四大外假者是色身外



者是財賄可憐世上人說與終不會相爭  
一文錢費却多少氣

人生被愛使奔走如奴僕愛官被官牽愛  
財被財畜晝夜不曾閑身心無暫足佛云  
恩愛奴斯言真可錄

世人多放逸極力事侈靡樂極悲哀來福  
盡貧窮至天福尚有盡世福豈無已人多  
議論乖享得是我底

世人貪積財受盡種種苦求時多辛勤守  
時足憂怖散時哭不休死時戀不去輪迴

六趣中只因爲物悞

涅槃經云衆生於財色四種怖四種者王

賊水  
火也

有恩念念報報則合天道有冤念念解解則無煩惱一身類浮雲百年同過鳥若以冤報冤萬劫無由了

名湯并利火古今燒殺人只貪炙手熱應笑甌生塵虎口都忘嶮龍鱗不怕嗔利名心未足衰老已及身

可怜一等人不善又不惡一邊說叅禪一邊取娛樂貴得生死間都不受寂寞此云



癡種子要覓楊州鶴

人如食蘂蟲通身總是苦喫苦尚不休抵  
死鑽頭做古人知此味念念求退步樂道  
山林間榮枯誰管汝

有求皆是苦衆生須要求因名忘性命爲  
利起戈矛不足無時足知休直下休死生  
呼吸至無人替汝愁

世上聰明公癡心自蔽蒙步步常行有口  
口只說空既空無嗜慾既空無窮通因何  
臨財色身心如轉蓬

衆生點是癡積惡望無過譬如顛倒人尋  
覓無熱火火則決定熱惡則必招禍勸君  
慎所積傳云善不積無以成有花終結果  
一念染心生撞入胞胎去父精與母血妄  
認爲住處種子既不淨臭氣相薰汚業風  
吹出來萬苦從頭做

出家要清閑却被人使喚門徒數百家追  
陪日忙亂施利得十千人情費七貫彼此  
沒便宜他年難打筭

更有一般僧因果殊不顧心裏似屠沽口



中呵佛祖心口不相應佛祖豈容侮拔子  
與趙州肯踏名利路

池中一土墩

俗又名魚臺

魚日遶塹轉人

觀咫尺間魚謂千里遠正如躁進人分寸  
變眉面要在張三前還落李四後

勸君莫嗜酒嗜酒多過客不唯損汝福亦

乃夭汝壽獨飲醉一夫共飯飽十口

諺云一醉

之資呵人生福幾何飢貧恐在後

世間一等漢做盡百家冤錐刀爭利祿尺  
寸竟田園在若無死塵中應更喧勸君

衣帶上分明書此言

僧家乃野人何苦事迎迓佛法變人情真  
實成虛假不見老趙州禪床猶懶下但願  
大王知誰管都衙罵

區區求富貴求得一何用前遮并後擁假  
合成戲弄正如夢南柯妄認位貌重忽然  
睡眠醒始笑乾陪奉

勸汝諦觀身此身真可惡上下九箇孔臭  
穢常流注內外四條蛇輕躁不停住智者  
善思惟莫被皮囊誤



女色多瞞人人惑總不見龍麝暗薰衣脂  
粉厚塗面人呼爲牡丹佛說是花箭射人  
入骨髓死而不知怨

人生如下碁機巧未嘗已劫劫只圖生忙  
忙惟怕死路頭既錯了心眼亦虛棄不薦  
這一着對面若千里

白日鬧喧喧夜間靜悄悄夜間與白日且  
道誰欠少飢時覓飯噎困便尋床倒不省  
這箇意區區直到老

往事莫追尋未來莫希望見在休執着自

然心坦蕩有心終不堪無念以爲上君看  
太虛空何嘗有遮障

莫嫌門戶小轉富轉心勞夜怕奸偷至時  
防風火燒名高招謗重財積致讒饒外物  
多爲累令人思許巢

麝爲香而死龜以靈故焦旣爲世所用憂  
患無門逃名高謗之本財聚禍之苗三怨  
粗能免世無孫叔敖

日暮片雲愁邊廷戰未休萬人齊拚命一  
將獨封侯孫武子兵法田將軍火牛筭來



成底事揔是百冤頭

合嗔不須嗔合喜不須喜  
喜時風自吹嗔時火自熾  
風火非外來皆從自心起  
不見四禪天三災都不至

不栽一株桑不種一粒粟  
口體每輕肥倉庫常滿足  
蓬門漏不蔽你居大華屋  
常懷知愧心少恣無明慾

一鼠變蝙蝠群鼠相慶賀  
飛鳴覺身輕自喜脫猫禍  
日中不見物夜裏長忍餓  
不如做鼠時窟裏飽眠卧

貧窮難作福富貴易造罪有力無道心有  
心無財賄有福有道心百中無一二不見  
老瞿曇福慧二嚴美

佛爲大醫王留經治衆病衆生雖讀經展  
轉不相應病是貪嗔癡掃除愛淨盡貪嗔  
癡不除無緣了真性

貪夫如撲滿

俗呼爲  
藏瓶

不慮滿時禍未盈猶

可存已滿終歸破君看石齊奴不義畜財  
貨喫劍爲綠珠至死不知過

奸漢瞞淳漢淳漢總不知奸漢作驢子却



被淳漢騎當時誇好手今日落便宜圖他  
些子利披却畜生皮

君看轉輪王七寶光中坐一朝福力盡頭  
上花冠破正如箭射空勢盡還退墮升沉  
無數却只因迷者箇

不必揚人惡切忌伐己善行人口似碑好  
醜悉皆見祿厚恐禍生言深慮交淺不如  
省事休彼此無欣怨

君看草頭露日出還消去也似世間人間  
浮暫時住愚人尚不知紛爭求貴富只應

明眼人未能笑得汝

人生不滿百常懷千歲憂猶嫌金玉少更  
爲子孫求白日曉還黑綠楊春復秋無過  
富與貴不柰水東流

入寺設僧齋先且問客食一味不可口蒲  
座皆啾唧回顧憍陳如鉢盂未嘗濕恁麼  
說齋僧有名而無實

辛苦置田園歲收五千斛死了付兒孫兒  
孫享其福忌辰餘十僧紙錢燒一束人生  
爲子孫所得何纖粟



一年五千斛十年計五萬不知十年間所作何事辦暴殄天物多也好自思筭福若不消磨除君是鐵漢

人人要便宜箇箇覓小利所爭能幾何失却大人體饒人福自來瞞人禍自至此理甚分明尚猶不瞥地

傳大士種瓜瓜熟人偷竊以籃投園中與偷便提挈偷兒感此情再拜心服悅無爭與莫爭盡向慈門攝

慈受和尚誠殺偈十首



利刃活斫當腰斷前脚猶能跳躑行看著  
衆生如是苦異時果報不多爭  
蝦蟇蚶蚌形模醜咂矢爭蛆臭穢多浣却  
娘生清淨口只應笑倒老維摩  
蜆子師螺街市食小人咀嚼遶臺盤近來  
豪貴尊榮者嗜好成風揔一般  
吳人信向更無加可惜時中善願差手搯  
數珠忙念佛一邊叫喚買魚鰕  
聞說刀兵已皺眉貪生畏死是人知如何  
不恤他身苦斬斫烹炮無厭時



針頭挑抉些兒肉舌上能添多少肥得箇  
人身須愛惜莫因三寸落便宜

師螺脫體類蝸牛滿殼腥涎臭欲流未說  
令人生百病前頭冤債幾時休

蛤蜊火上千般痛螃蟹鍋中萬種愁只爲  
舌端些子味鑊湯爐炭一時周

改頭換面莫非親何苦傷殘異類身昔日  
寒山曾說破鍋中煮却自家人

每日食他百箇命一年三萬六千冤

年五十計

一萬性命八十幾生幾世填償得盤筋從今好



省緣

慈受和尚擬寒山詩終



